





事目

逆賊出繼孫散配

犯上不追罪人妻孥島配

顛狂大性而犯一律者稟旨舉行

雖常賤出身亦移義禁府

醫譯等律盡鴈雖特教除名過一部目後復屬事

買偽資者嚴刑島配

日本倭

用加辜限法

六人

者不得輕易就案

島配



保稱一律者不得遞擬絞斬必俟啓稟定奪

殺雇工者比平民減一等

無端闕推則判堂削職即官先汰後拿

醫譯籌律諸科人不得懸罰

拔鈞擬刺者爲先嚴刑

劇逆則雖出絀兄弟亦爲散配

地土陳告四分一賞之規革罷

出身移義禁府時代射犯科者則令兵曹舉行定章措辭回

啓

內侍訢訐上無內府轉啓則勿爲聽理



定配罪人連養者除關係逆獄外直爲給暇

配享功臣子孫依錄勲功臣子孫例用宥世之典

各邑婢子廣緣頃兇者嚴飭

卑書上言者雖四件事勿施

犯逆梟示罪人應坐諸人並爲奴婢田宅奴婢屬公

流二千五百里贖定爲九正

逆獄干連及錄啓定配罪人逃亡者用通編小註杖一百絕島

定配

此係徒年則雖干重獄遇赦即放

非應入犯之行而捨兵曹馬責把番馬者當身以濫騎律論下

隸嚴刑照律

度遠關外任自開店者道伯施以違制地方官徒配禁錮托公  
私採不禁之道伯地方官各同律該營大將該衛堂上施以違  
制匿不以聞則道伯同律

定配罪人滿十則自本邑報于巡營更定配所於道內數少邑  
掖隸之貽弊藥院者並與該番司謁及存首別監嚴刑島配動  
駕則掖隸之操縱香匠者限死決棍定配

以孝烈事上言者嚴防

堂下內侍殺人者依法訊推勿爲啓聞

鎖厓撤市書嚴刑定配



非分明冒經者外職名不以實律毋得混用

凌辱妻上曲事理重者嚴刑後勘律

本曹三堂上每月各出禁六次

一朔內日次未準三次則該堂請推該即請拿

奴犯主山者毋論先後遠惡絕島仍本役充定

司謁雖係出身勿移義禁府

掘塚罪人發配夥多則道臣守令拿處

犯流者妻妾子孫依律文從行

三司下隸之犯夜者重棍後移送刑曹照律草記

以其父老職見漏事擊鐸者考籍是實則除刑推捧供

冬至前後各一日箴牌

擊鐸原情泛及題外者勿論曲直加等勘罪

或均館以儒生知委事侵責部屬者大司成施以遠制久任即  
奪告身三等吏隸中佐奸者嚴刑定配事出儒生則照律勘配  
內農圃染藍輪納時以道路修掃事侵責部屬則中官定配圃  
吏刑治

禁吏禁隸歛賂捧錢者以盜竊財貨律論

守令請罪狀自政院直下義禁府

鄉戰者毋論輕重依先朝受教導行

非特教而定配所於楸黑耽者反坐



丘從丘債之立字改以驅字

其示之律... 此後則雖一罪之律名先為言及後始據律名便罪人... 然如其律名出於秦

乾隆十六年辛未八月二十日大在禮部堂上引據人

領議政金... 各處廣州府守序... 禁也上款律下

軍事防家不許推律一款則不必盡云大朝故敢定收

原以為水漲出外官之傷京標軍正多筆據而一題意為以解

全不知雄敵... 世仇連連... 雖當據錄不似律例

至極下中... 二百多... 其目... 以... 有... 設... 軍... 時... 未... 成...

一、均給以職全如事畢後有部屬者以司而施以遠則久任  
 導其身三年更擢其位者有之定其事出儒士則張仲勳  
 內服則自給其時以道路難持度授官部屬則重官從之  
 吏判府  
 禁吏輩欲賂持錢者以強竊財貨傳論  
 今請遂其自此院直下其禁  
 數者母其並依先朝受教  
 近對其制也此等以欺騙者反坐



乾隆九年甲子七月初六日刑房承旨秋判入 侍時 上曰  
梟示之律初無遲晚諸音之事云雖有寬其可復言乎此甚可  
矜此後則雖一罪必以律名先爲言及後始捧諸音使罪人曉  
然知其律名出舉條

乾隆十六年辛未八月二十日大臣備局堂上引接入 侍時

領議政金 所 啓此廣州留守李 箕鎮 狀 啓也上款標下

軍事防塞不許檢律一款則不必稟于 大朝故敢違矣狀

啓以爲本廳出外營之後京標軍並爲革罷而一朝盡易以鄉  
軍則全不知旗鼓號令坐作進退之節雖當操鍊不成貌樣請  
京標下中限二百名隨其自願挑出仍存操鍊聚軍時來參俾

爲傳鄉軍之地云而既作外營之後仍存京軍有違於朝家  
變通之意不可輕許至若檢律差送之請事體誠如所陳本府  
亦有殺獄檢驗徒流等事關係甚重依兩都例差送律官廩料  
則自本府擔當以給何如。今日依爲之

乾隆十九年甲戌五月十四日左議政李 請對備局堂上同

爲入

侍時兵曹判書李

昌誼

所

啓瑞山官奴聖真以本郡

火藥二百八十六塊鉛丸三百五十箇偷出之罪因本道監管

狀

啓梟示一款令兵曹稟處事自刑曹覆奏允下而續典中

軍罷偷出者

啓梟示云而其下小註弓子三十張鳥銃三

柄以下者刑推三次減死定配至於火藥鉛丸則無所舉論者



無時火藥則必有斤數之可據而止曰二百八十六塊且其  
偷出之後只捧錢七兩五錢云者亦涉可怪事係一律不可不  
十分詳審火藥斤數及捧錢多寡更令道臣明覈狀聞後稟  
處事前已覆 啓行會矣取考前監司金始爍查本則枚舉各  
人等招辭以爲火藥偷出七十五斤一辭納招故較準會付亦  
無相左之事至若捧價之甚小蓋由潛賣之際自不得捧其準  
價之致且原其情則出於飢寒所迫亦異於賊盜輩偷去唯在  
該曹酌量法意而稟處事有所請陳蓋續典中偷取軍器条小  
註只曰弓銃而至於藥丸則雖無舉論若以價本論之其所偷  
賣之價此諸弓銃元定之數有減而無加道臣論列亦如此臣

有難循例覆奏故敢此仰達下詢大臣後處之何如 上曰究其心則殘忍考其數則比續曲次律尤爲差輕大臣之意何如左議政李 曰物雖不多軍器偷竊之律不可不嚴而法文既無的處自 上參的處之而有司之臣則必以重律爭之矣

上曰既下教不無參的特以續典小註律施行李昌誼曰今此罪人則 聖上雖以好生之德特垂生議而後弊所因惟有所可慮者軍器至重一律至嚴自今以後勿論某操名色皆定其數又犯此數則依律處斷之不饒貸然後始可以戢奸究而重器械矣左叅贊趙榮國曰此罪人則既無明白律文故雖有參酌之特教而火藥亦是軍器則厥罪與偷竊弓銃宜無異同弓



銃之外凡係各樣軍器自今宜計其多寡並施以一律似不可已矣 上曰火藥依弓子例限三十斤環刀依銃例限以三柄至於旗槍鉦鼓勿計多寡

乾隆二十年乙亥三月十三日親翰入 侍時左議政金 所啓益寬之孫一人以出繼之故亦兄應坐之律云令王府依恭耆孫及真儒諸侄例舉行何如 上曰依爲之又所 啓物故罪人沆因臺臣所達以犯上不道處斬而犯上本無律文故大典亂言条干犯於上情理切害者斬只籍沒家產之文舉行事命下矣毋論証上犯上罪罔不道而其所用法反輕於強盜決非勘逆之道自沆爲始籍產外其妻孥緣坐爲奴仍以此定法

施行何如 上曰沆之妻孥只島配勿揀赦典此後依此爲之可也

乾隆二十年乙亥五月二十二日親鞫入 侍時 傳曰戊申十畱依逆例舉行而亦有差等故今畱逆賊致雲依此例舉行事下教而更以思之其時故貳相李貴所奏是矣若非霍顯王章之及於婦人其宜審慎自今畱其妻勿正法此後受教定式而心常欲爲下教者國此下教此後勿論正職雜職其妻及名以兩班者之妻雖犯殺人而正法勿爲檢驗事亦爲受教定式舉行

乾隆二十一年丙子四月十四日藥房入 診時刑曹判書金



同爲入 侍時刑曹判書金 所 啓頃者踰越宮牆玄人  
自兵曹移送臣曹矣究覈之際言語舉措極多恠駭明有失  
性之狀而問其根脚乃是私婢也詰問於其主則厥女素有狂  
疾每於暮夜突入人家多發胡亂之說輒被駭逐遠近隣里莫  
不稔知云參以見聞果是狂易無疑矣踰越宮牆當置一律而  
似此病人宜有參酌之道何以爲之 上曰依減等律文施行  
可也

乾隆二十一年丙子十二月初六日親鞫入 侍時禁府所  
啓當此 親鞫之時律官不可生疎者爲之而聞律官田祥雨  
最勤案云故使之待令而但田祥雨見沐無職云令該曹付軍

職以爲隨行之地何如 上曰依爲之

同日禁府又所 啓本府曾因 持教別出兼教授以爲律  
官永付之廩而今番各司厘正混入減劑之中故每當開坐之  
時輒借於刑曹律官以來事體極爲苟艱兼教授一稟依例仍  
存何如 上曰王府豈無律官乎依爲之

乾隆二十四年己卯七月 日 傳曰出身武士送于該府即  
例也曾前侍湯中見之雖常漢出身自禁府啓聞之事而頃因  
大臣所奏更自秋曹處之非古規若此龍席榜其可拔名乎此  
非重賜茅之意一遵旧例事分付

乾隆二十六年辛巳十二月二十五日領右相禮判秋判之義



禁同爲入 侍時 傳曰直爲決杖雖曰舊例 皇朝法律本  
非依樣之意而我國則徒存其名亦寬仁之政也侍從除杖其  
雖 下教莫曰非侍從文臣蔭武其本土夫亦莫曰人微其官  
則命吏朝衣夕決杖於市街宣禮使臣之意況決杖營門使  
之赴衙對官吏亦非礪廉恥之意白首暮年爲士夫爲小民欲  
除弊者即苦心全作贖刑舜典所載此後外方決杖者代以拿  
問王府決杖者代以金贖雖秋曹犯法刑推者外曾經衣冠之  
人循例照律者杖則徵贖所謂衣冠者雖東班雜職有 御寶  
告身之謂也

乾隆二十八年癸未十二月二十八日大臣備局堂上引見入

侍時行吏曹判書

洪啓禧

所

啓審藥之任雖至微而既啓

下官員又必下直而去與吏胥有異若有過則狀罷可也直爲

棍汰則非矣聞刑判之言則檢律亦有棍汰云此後則并嚴飭

外方俾不得棍汰何如行刑曹判書

金陽澤

曰吏判審藥事有

所陳而檢律亦有汰送之弊宜一體定式禁飭矣領議政洪

曰落點與

啓下官貪道臣任自進退事體寒心監營中軍若

不合則必爲狀請改差毋得私罪之意近已定式而如審藥檢

律者雖曰卑微亦一考績之官如其不似則亦爲狀論至於自

監營任自取捨之弊各別嚴禁如是申飭之後違越之道臣不

爲爭執之京司堂上隨現論責事一軀定式斷不可已矣上



曰嚴禁使不得汰去如有犯者嚴處可也

乾隆三十四年己丑十二月二十一日藥房入 診領相判尹

同島入 侍時領議政洪 所 啓內醫司譯官雲監寫字番

盡律計等官負以凡事舉行之不善或有刊汰之 命而還收

一款則以其微賤之故有不敢煩稟苟非重罪勢將自各其本

衙門有所弛張矣 上曰今當歲暮一併分揀可也洪 曰此

輩此後雖有 特教施罪之事不敢煩達一也過一都目後循

例叙用事定式舉行乎 上曰依島之

乾隆三十八年癸巳九月十四日審理時 傳曰昨聞入於啓

覆印信偽造一人外近二十人皆御寶偽造萬古宣有此等事

噫此與名帖有異渠若登科自家唱勝所謂買得予則曰其心  
倍投偽造者若持其利而求之者豈有是事不過充軍旋即放  
焉故不畏國法若是放恣其若端本豈有是事噫軍官輩欲貪  
玉圈窮搜極覓一人偽造豈持萬人受弊蔓然推提諸道受弊  
嗚呼暮年宜乎端本若無求者何滋味而陷此一律此後若有  
此事其買者爲先嚴刑海島定配閩三族限己身莫敢赴舉此  
正刑期無刑其亦歲首懸法之意也此後紙牌教誘者其人其  
若投納非徒勿問希功軍官加資始於此人乎承傳施行

乾隆三十九年甲午六月初五日藥房入 診詣臺臺臣追

後人 侍時掌令李

得華所

啓各司用牌今有秋成間嚴禁



之教此固出於我 聖上恤民省弊之至意德音所及孰不欽  
頌而大凡三法司之禁牌各書名目而各名目之中只有一牌  
故若值諸貢並出一名目之時則木牌之外加作紙牌已成謬  
例貽弊多端此豈朝家立法禁犯之本意哉請另飭三法司秋  
成後用牌之時木牌外出紙牌之規一切嚴禁 上曰所啓甚  
是依啓况名雖三牌秋成前亦在禁令何敢為也此後囚徒有  
犯者當施制書有違律而此弊予已知政府錄啓政院囚徒入  
啓時姑放復囚者多其誰欺乎犯者當用欺君律一體嚴飭  
乾隆四十二年丁酉五月初十日左右相入 侍時 傳曰昔  
我 肅祖之教有曰殺獄之最緊最重者莫如檢覆間有外方

守令任意增減獄事迂就至有數十年不決而瘦死獄中者自  
今以往該官必親自開檢一從無寬錄無或難明於未盡之患  
亦惟我 寧考之教有曰檢驗雖不實詞證俱備則不當追檢  
況已埋者乎周文其猶掩骸今則至於白骨檢驗予則曰當者  
無異再被殺人或有不償命者殘忍莫甚此後殺人匿埋者依  
例檢驗後自官埋置其他已埋勿檢大抵聖人之言也重民命  
恤刑獄之意藹然辭教之外傳曰先王斯有不忍人之心行不  
忍人之政斯其非歟予於是三覆百回不任莊誦激仰也向於  
賓對相臣之奏以為自有 先朝掘檢之禁令京外不敢開檢  
按驗不無幽鬱之慮予於其時只知 肅祖之教未詳 寧考



之教故意以為然諄于廟堂爰及三司至又有重臣欲許掘檢則今日以前當屬令前之對矣繼又玉堂劄請掘檢予意亦以為然擬欲定制而未果者出於慮遠之意也況當悶旱之日其所審恤之道尤宜靡不用極取見先朝受教則寧考之盛意亦只是肅祖之聖意而非為禁掘之教也向者相臣重臣之奏與夫玉堂之劄稟亦不外是也近來京外之不得掘檢者特以掌獄之官不能詳審領略於受教之致大抵無冤錄掘檢之法欲防私和匿埋之弊則先朝受教中殺人而匿埋者依例檢驗之教豈非肅祖受教中一從無冤錄之教也歟今有議者或以下句中其他已埋者勿檢之教為朝禁而此則大不

然者此即指白骨檢驗之謂也。今則別無申寔令甲之事。一依  
兩朝受教遵而行之。至於久遠之掘白骨之檢籍。此申明之日  
爭起。互訟。若有紛競之端。甚非先王欽恤之本意也。今日以  
前已埋者。便屬令前切勿輕易舉論。此後又或有年數已久。可  
以掘檢者。亦勿輕自開檢。必也啓聞後為之事。寔式施行。知委  
京外

乾隆四十二年丁酉七月十五日大臣刑曹判書同為八侍  
時刑曹判書張 珩 啓。泮人鄭漢龍以環刀擊人膝骨半落。  
故囚禁矣。被傷人果因本傷致命。而律文中以折跌肢體破骨  
墮胎者。無問手足他物。皆限五十日。計之。則纔過一日。而大明



律附例有元辜限五十日外若因本傷致命則限外二十日加  
辜限之例而先王朝戊子六月回平安道殺獄啓本所下傳  
教中殺人辜限其法甚重一或低仰民何能逃其於附註不過  
一脩本事雖若此者其宜奏請而況傷處雖未復或回他而  
致命則皆用此律辜限之律其將去之乎當該律官勿為徵贖  
決杖一百亦令該曹永除律官此後又復若此者一依此律官  
例施行事嚴飭諸道聖意似出於一時飭礪而受教既如  
此臣曹不敢擅便敢此稟達下詢大臣何如上曰卿等之意  
如何領議政金曰若論以大明律五十日之限則雖去加一  
日環刀之破落膝骨致人畢竟殞斃者其為殺人無復疑端則

三尺至嚴安得免償命之律乎。今若以一日之過限其或為濶狹之端則日後之弊為不可勝言而先朝戊子下教非指殺獄明的者不過申飭律官挾私操縱之弊則今此漢龍不可不具格檢驗依法成獄矣。左議政鄭曰元辜限外既有加辜限之律文如漢龍之以刃行兇仍至致命者不為成獄則豈有償命之法乎。先朝一時下教實出於申飭律官臨時低仰之弊而以加辜限之本律既無不可用之聖教則今何可持疑於依法償命之獄乎。右議政徐曰俄於閭外聞刑判之言臣於已有所確漢龍之成獄更無可疑矣。上曰卿等之所奏是矣。漢龍之以刃斫人自初既有反殺之心其所成獄即生道殺



人之意依例舉行可也

乾隆二十三年戊寅十一月二十七日 傳曰予於印偽造處

決有尋常耿者今於暮年何不諭乎既下詢大臣大抵偽印之律本非大明律即大典而或有無印文而成案置諸大辟者曾前此等之類其雖傳諸于生而若或差人命豈不重乎亦非大典之意也誠若得虧事此後則京外法官者成案時其宜審慎事申飭于秋曹捕廳及八道三都

乾隆四十五年庚子 月 日 赦典時長端府因推罪人李

禎圭以嘯聚無賴輩壯其行色冒稱進士或稱叅奉詐稱官長之至親久滯店幕詐欺討食之罪以戊戌六月徒三年定配於

長連縣而本道放未放 啓本中禎圭入於仍秩本曹回 啓  
時徒年罪人等俱以遇赦即放之意回 啓矣 判付內李禎

圭段詐稱官長討食民間何等大罪案是隱則輕易請放殊非  
為民除害之意今此除良此罪之為徒年此亦擬律不審之致  
是如乎考其照律時律名但言詐稱不言討食之故罪止於此  
此等處如是錯用律文者情狀可痛當該律官自卿曹科治為  
孫李禎圭乙良依所犯兩罪更為照律事 判下據曹 啓辭

內當該律官田澤兩以江原監營檢律時在原州地發閑捉來  
考律嚴處事入 啓矣 批答內律官皆是貧殘之徒以此之  
故許多低仰之奸弊遂以出焉昨日科治下教意謂在京則略



示警飭而然若在外邑而投來則果無見汰之事乎更為考例  
以稟事據曹再 啓內本曹律官中分差各道者曾無投來科  
治之前例而以照律不審因 傳教拿致科治則汰去自在其  
中之意敢 啓 傳曰知道然則特為分揀此乃不汰勝於汰  
去之意也此後復有此等之弊伊時斷不撓貸卿其一 曉諭  
分差律官處自卿曹枚舉本事中明嚴關並令期於無犯之地  
可也

乾隆二十九年甲申四月十六日大臣判金吾入 侍時 傳  
曰一欲下教而未果初檢驗時白飯食雞非徒文具靜而思之  
取利之人其何擇焉不潔矣其或傷人亦非仁政自今食雞一

節勿為施行事即為不付若因查之時不可不用處其鷄即為去之事分付中外

乾隆十二年丁卯四月十七日藥房入 診時右議政閣 左

叅贊鄭

羽良

同為入

侍時左叅贊鄭

羽良

所

啓大同米和

水船人分明現捉則當為依法梟示而至若米品在於疑信之間則亦不可勒歸之於和水而續、仰請一律而若無嚴懲之道則無以防戢奸弊若米色米品在於疑信之間者這、移送刑曹嚴刑定配以為懲殭防奸之地何如 上曰依為之

乾隆四十七年壬寅正月

日以刑曹

啓目寶城郡私奴外

山以橫叛上曲罪依律文絕島移配事

傳曰編配頻仍之時



此等之類何必更配發配一款勾施大抵京外法官每於發配  
罪人欲諱本事則輒以橫叛二字勒成發配此後毋論刑曹及  
外邑復以此四字移施於他罪有發配之弊致煩上聞則該曹  
堂上該道監司譴罷之典斷不可已如是嚴飭之後律官尤焉  
敢聽令舉行萬一復踵前習所謂律官豈非亂法之民亦當刑  
配以此 傳教自本曹書付壁上惕念舉行亦即枚舉措辭行  
會該道果有橫叛之罪則必具犯罪委折及詳考橫叛人上典  
之姓名毫無差爽然後發配事一體知委

乾隆四十七年壬寅正月二十一日 傳曰朝仍領府事言覺  
得矣許多編配安知無如洪重仁者乎且法已行矣向以猥濫

呼訴事發配人並放送此後此等之類本曹懲治草記雖或蒙  
允必於發配時以擬某律配何地之意更為草記待判下舉行  
仍令永為定式

乾隆四十八年癸卯十二月初五日備邊司 啓曰以刑曹草  
記罪人鄭潤燬依續典以一律施行而絞斬與待時不待時之  
區別令廟堂稟處為請而 批旨允下矣今此罪人鄭潤燬之  
依續典用一律既已斷定而續典所稱一律別無分等之文蓋  
續大典禁制条云松田放火者以一律論亦無絞斬區別之文  
大明律故燒人房屋条云若放火故燒係官積聚之物者斬待  
時松田放火至為一律故燒官積聚猶且待時而斬則況今放



火之變出於烟臺三步之內其所犯之重何等關係偽舉燒火者勿論烟臺與他處並用一律其一律之為不待時斬無疑也但放火與偽烽慾有差間則當有不待時與待時之別舉偽烽者當為不待時斬烟臺近處放火者似當為待時而係是一律定制伏候 上裁之意敢 啓 傳曰卿等意是矣如是差等似甚便當依草記施行而大抵法令一番創始永作不易之例事係刑獄尤所當慎若於無情案不用意之類並引此律是何異於自我作古也七十年之後復開荆棘古人猶且難之亦豈非今日留意處乎並以此意分付攸司俾即載之 受教後勿勒援於可恕不可恕之間可也

乾隆四十八年癸卯六月十五日刑曹 啓目去辛丑正月二

十二日因全羅道寶城郡殺獄罪人鄭大仁獄事回 啓 判

付內罪人鄭大仁段案因狼藉證援分明故殺人情節斷然無  
疑是去乙其矣發明全不成說是置若其手勢之至亮觀於渠  
之從兄大石在當庫時言尤難自掩蓋大仁高文券欲自處以  
殺奴稱小杖而欲自免於杵打究厥情狀萬一痛惡分此不喻  
初檢招則曰白萬不知而道伊沙里自稱偷出去尔是如可參  
覈招則又以為道伊沙里前期逃走白萬自持去云前後矛盾  
而粧撰窘迫之狀推此可知雖曰欲推錢物而不施當施之刑  
乃敢毒打至此則何可諉之以毆打折傷而且以雇工之法言



之 皇朝我國宜無異同乎此除良本道之狀該曹之 啓皆  
以為 皇朝之法重於我國既斷以絞罪是隱則以此以彼斷  
無參恕之道若不施法此後為人崔工者其將日々就死此則  
監營題辭可謂察際語而跋辭中謂以愚悍常漢信手毆打付  
之惟輕之典者此則可謂失之太寬有難輕易酌決是乃獄案  
亦多疎漏處杵打之說發於大石而薛連即柳召史也杖打之  
狀見者老味而叅證又是老味也是遣又於具召史之招以為  
杵臼竹打殺之說聞於鄭斗三家是如為有則覆檢時此數端  
專不舉論者未知何故是隱喻其在獄體宜問不問之失自有  
其罪是如乎當該檢官從重推考為遣且大仁之故殺與否固

不在於杖與杵而詞案則又不容如是其濶略是遺覆檢狀中  
屍親招辭亦不載錄豈其原文案節略謄啓之故刪却此一段  
而然是隱喻此亦可訝以此更令道臣親執詳查然後稟處為  
拈至於裁定金石之典云者不可無一定之制自本曹議大臣  
稟處事 判下據其時判書臣徐 就議大臣為白乎則領議  
政徐 以為今日湖南道臣啓 聞有雇工定制收議之 命  
矣我國雇工之規與 皇朝有異 皇朝則立有文券議有年  
限然後始謂之雇工而我國則有文券定年限者不謂之雇工  
而直謂之奴婢所謂雇工稱名者不過村店間乍去乍來一時  
留接之類也此即 皇朝律例中短雇日月受值不多者依凡

人論者也。今若以俗名雇工襲用，皇朝立文券議年限之例，則不亦舛乎？臣意一依皇朝定制，今後京外倩工之人受值十兩以上，議限五年以上，而立文券者，許入帳籍，以雇工論。此外不受值，不立券，不入帳籍，而一二年出入使喚者，依凡人論。恐合事宜，伏惟上裁。古是白乎？旂右議政李 以為今以我國雇工奴與大明律雇工奴同異與否，至有使該曹議大臣之命矣。臣謹按附例大明律有曰：萬曆十二年正月題奉欽法，今後官民之家凡倩工作之人，立有文券，議有年限者，以雇工論。止是短雇月日受值不多者，依凡論。然則雇工古者與僱立文券年久使喚者也。我國所謂雇工，不過少則三四朔，多則一二



年而元無受值立文券之事不可與 皇朝雇工比而同之以  
此論之我國則不當以雇工名色擬之於無文券不受價之人  
矣自今以後一依 皇朝定制受價十貫以上議限五年以上  
立券入籍者以雇工奴論乍去乍來無值無券者依凡人論恐  
合事宜伏惟 上裁云是白乎拈領中樞府事金 病不收議  
是白乎拈故領敦寧府事李 以為即伏見刑曹 啓目 判  
付下者以雇工定制有收議之 命矣我國雇工既與 皇朝  
定制有異雖無文券不入籍而亦謂之雇工若以一時留接之  
類援用皇朝雇工律例則有闕後弊必以受值成券者為雇工  
定制其外則以凡人論恐合事宜伏惟 上裁云是白乎拈判

中樞府事鄭 以為續大典推斷条雇工之於家長亦三省推  
鞫原其法意固未嘗不嚴可知然而我國雇工只是使役間衣  
食而朝聚暮散之類非如大明律所謂有文券有年限之比今  
當定制則一依大明律本意定界限恐合事宜惟在 博詢而  
處之云是白乎癸卯七月十四日備邊司 啓曰以雇工定  
制事草記 批旨有至如雇主雇工犯科事在雇工則視他加  
一等事在雇主則視他減一等之說及凡於論勘家長之於雇  
工加於奴婢一等雇工之家長減於奴婢一等云々兩說俱有  
意見而曰加曰減未知議者本意在於合施何律自廟堂更加  
商確指一草記可也之 命下矣雇工殺害雇主本有當律無

容更議雇主殺害雇工之律一說則曰比殺奴婢宜加一等一說則曰比平人相殺宜加一等以此兩說參考律文比殺奴婢加一等則律為杖七十徒一年半此則失之太寬比平人相殺減一等則為杖一百流三千里恐合事宜伏候 上裁之意敢啓 傳曰依議施行

乾隆四十九年甲辰三月十二日

傳曰殺獄成案事体何等

嚴重而京司規例反不如外邑初覆檢則狀辭既甚疎漏推覈亦不以時甚至成獄文書無一字改語雖以本曹事言之部府報來之後一番例推任他經過了無審閱之意前叨者龔謬後來者效尤一年二年出場無期如是之際安保無瘐死之冤



乎觀於今番獄囚安宗玄之致斃而渠之罪疑有無姑捨是未必不為干和之一端且考時因錄啓昨年再昨年成獄之類迄不完決京司為表正之地而怠忽如許豈非朝廷之羞恥乎繼自今宜定劃一之規初覆檢狀結語及限內行檢等節一依外邑例為之本曹完決亦無得延拖之坐起時無端闕推則該判堂削職該房即官為先汰去出付該府以為照法勘處之地此傳教載之刑房故事該房承旨依此直捧傳旨亦令禁府刑曹載之受教

乾隆四十九年甲辰六月初五日大臣簡局堂上引見入侍  
時刑曹判書趙時俊所啓本曹所在大明律經國大典無冤

錄等冊子年久獎傷且多落卷無以披閱故每當考見之陰輒有妨艱之患 道稟印來既載受 教分付板本所在官依已卯年例使之印出上送何如

乾隆三十七年壬辰三月初五日常叅入 侍時領議政金

所 啓事雖微細宜一稟定故敢達矣向來秋曹卽廳懸罰律官事至登於臺 啓而大抵懸罰非所可施於有科名之人等貪何遽不若律官而古有吏鞭之罰者以其與貪役同也至於律官渠雖卑微曾經雜科苟有可罪因次知除汰何所不可而必施懸罰而可懲乎改院是歸令百司之地而懸罰猶不及於律官云此後則醫譯等律凡係已經本業之科者勿論本

衙與他上司毋得懸罰事定式分付何如 上曰所奏誠是依為之

乾隆四十九年甲辰三月十八日全羅道錄 啓 判付內羅州牧殺獄罪人奴吹三獄事段傷損無餘地致命在當日吹三之為元犯毫無起殺之端分叱除良渠妻金女與致死人春成行淫之跡真有是也此或為叅怨處而奸贓未捉於奸所證言未必是公言況於金女之供以接膝握手之事脫裳對飯之狀一一發明言有條理且其行凶之跡極甚惺惺想像闖闖時光景怒拳憤踢之當下便斃不待詞案而如在目中以此以彼減死非可論而本曹覆啓中可論列亦不謂無據况引受 教



內句語附陳之則豈可膠守常法不念濶狹之方乎吹三乙良  
嚴刑三次減死定配為有矣待俦音限日滿次之加刑待准次  
發配為弥吹三妻金台史段寧冒奸行之惡名晷救渠夫之死  
罪而了無是意反欲住證情狀則痛駭倫理則減絕嚴刑一次  
以為懲礪之事 分付為弥因今番獄案 判付有申飭者

先朝戊寅受 教以一房同食何異奸所為 教又於癸巳受  
教以無異奸所者勿為完決狀聞後舉行為 教仍 命京外奉  
承傳遵行而近來諸道獄案此等獄事初無狀聞稟處之事自  
本曹別開行會諸道諸如此類無論已完決未完決并即概錄  
原文案狀聞事 分付為良如教

乾隆三十八年癸巳四月二十三日 傳曰噫祖修非無識者  
類其父既為司禦則以儒撞殺禁旅而當初隱匿非渠父之囑  
則渠忘其父也下教若此何以猶是杖二十一度若石下教此  
無父無君結案何可一刻遲滯即為捧結案古雖稱白晝拔釵  
此則刀也而今番金光水父子所為非刀也即釵也此等類若  
不嚴飭後獎勝言此後用釵者勿論事之曲直為先嚴刑一次  
事令該曹奉承傳施行

乾隆五十年乙巳四月初三日大逆不道罪人斗恭奴婢永属  
公賤事 傳曰知道義禁府 啓目窮凶極惡萬剛猶輕大逆  
不道罪人斗恭既已承款正刑其父母妻妾子女祖孫弟妹子

之妻妾伯叔父兄弟之子年歲姓名存沒居住令漢城府考出  
亦為分付五部及各該道應坐諸人一、查出成冊牒報後依  
律舉行而籍沒家產破家豬澤降邑弭罷守令等事令各該司  
奉承傳舉行何如 傳曰允又 啓曰即接漢城府牒報及當  
部成冊則窮凶極惡萬剮猶輕大逆不道罪人斗恭應坐諸人  
查出以來矣妻妾任咸鏡道穩城府為婢子能伊年六子今年  
生俱以年未滿依律免絞能伊慶尚道機張縣為奴子今年生  
全羅道興陽縣並為奴令刑曹押送各其配所此等劇逆同氣  
不可以出繼循例免坐而止逆恭本生兄斗榮本生弟斗章並  
令刑曹亦為發配何如 傳曰允



乾隆五十年乙巳七月初五日戶曹 啓曰土地四分之賞不  
在於續典云戶判更考久遠騰錄果由於循襲不改則但以此  
後嚴禁之意論理草記事 命下矣溯考戶曹久遠騰錄而土  
地陳告四一之賞終無可據之文跡且考忠勲府騰錄則庚戌  
五月 日勲府 啓目內隱漏田畝許開陳告之路查得田畝  
後有叅酌施賞之語而此不過循襲謬例元非節目定式者則  
今不可援而為例自今以後土地陳告四分一賞給之規永為革  
罷陳告人刑配事既有 特教處分依此舉行之意分付何如  
傳曰允

乾隆五十年乙巳九月十二日大臣簡局堂上引見入 侍時

刑曹判書李 昫 啓伏見黃海監司洪秉續狀 啓下者以

為各邑逃亡罪人之年久者或至八九十年而每以今方跟捕  
啓聞有非誠實底道理各俱罪目囚逃年月日後錄仰聞令  
該曹稟旨分付為請矣其所為請誠為有理而自前舉行之  
事又重難遽請稟處未免辜遽當該監司洪秉續推考警責  
為宜而至於本事既有狀聞之後亦當有商量施行之道從久  
近似有年限區別之舉而自臣曹不敢擅便茲以仰 達矣

上曰同推罪人之成獄也十五歲以前自在勿論中而年至八  
十人分揀亦在大明律將此較量則自十五歲至七十五為六  
十年矣大抵訟理在六十年以前事例不得聽理此又為傍照

之端自今十五歲成獄逃至七十五歲者元文書頒下雖非十五歲成獄者逃躲後計年至八十歲者亦為頒下事定式施行可也

乾隆五十年乙巳十二月初七日大臣備局堂上引見八侍

時判義禁李

在協所

啓常賤出身勿移義禁事既有後日次

對稟處之

教矣刑曹京兆之不得推問常賤出身大有掣碍

故昔年因

進奏其不得不推治者則分送各該軍門棍治事定

式云而既無出舉條者今無可考之道大抵常賤出身之亦移

義禁始自己卯年而已卯下教之後自刑曹移送禁府不過

代射出身之類刑曹以此草記則批旨每以直令兵曹考律



舉行者不啻屢次以此見之當時 聖意蓋亦可想況續典所載既若是明白則似不必以褒改為拘故敢此仰 達矣 上  
曰此後常賊出身之代射犯科者移義禁府時刑曹回 啓以  
直令兵曹舉行事措辭稟旨可也

乾隆五十一年丙午四月初四日脩遘司 啓曰此律學教授  
金就夏所懷也以為無寃錄乃檢驗決獄之指南而人未盡解  
外邑檢驗傷處宗因每有相左以致獄事必疑難今後以外邑  
鄉品中聰敏者使之講習擇其能通人許差一鄉之要任而律  
官中鍊熟法文者二三人式分送於諸道都護官以為教授成  
才舉行檢驗則庶可為斷獄之一助為辭而 批旨內捧講事

甬言儘有意見令甬曹堂上稟處事 命下矣該曹判書李

以為本曹律官非不數多曉解律文之人未滿十餘人每當取  
才之時率多踈謬之患今若使之出往各道都護官使之教訓  
則渠所不能通知者何以教人又何處得三十二人使之分往  
各道各邑且其往來時人馬盤纏下去後衣食去處尤有許多  
難便之端言雖有見勢難遽行置之為宜云無寃錄文理艱棘  
旨意難解僅下魚魯之外邑更不能曉得故檢驗時失實未必  
不由於是然而分送律官甚多難便誠如秋判所論置之何如  
上曰依草託施行可也

乾隆五十一年丙午七月十三日政院 啓曰即伏聞日昨內

官為本院下隸所侵侮徃復中部官直至移送秋曹之境云  
院隸與內官初不相干涉而有此侵侮之舉者誠極痛駭院隸  
令攸司各別嚴治而內官之恐喝部官部官之曲徇內官俱萬  
萬驚駭當該內官及部官所當重勘以懲日後而本院請推之  
外無他可施之罰何以為之敢稟 傳曰雖是未入仕之中官  
逢辱於院隸則無論渠之先損與否宜有雪恥之心來呈內府  
以待處分經許當部無異越訴至於使部隸徃復尤閔後獎若  
此不已將至有當面談話之舉當該部官為先刊汰令該府拿  
問重勘該中官令內侍府從重勘罪以嚴內外之院隸事下隸  
與中官自有等級以辱說相加固極痛駭况內外至嚴則以外



司下屬與內官馬敢接言可謂兩罪俱發不可不各別痛繩該  
隸令攸司照律嚴治可也仍傳曰因此有不可不除飭者內  
寺屬於內府凡有可訴可告之事先呈內府入啓轉聞仍待  
朝家處分今番事渠則未告該掌中官謂以無關於內府不即  
提稟是何異於使之為之該中官當嚴處問于內府指名捧現  
告以人以此傳教並下廟堂今廟堂分付法司及五部若無內  
侍府轉啓文跡之粘錄未告者雖大於此事切勿聽理直為草  
記諸道一體知委

乾隆五十一年丙午七月十九日以忠清監司狀啓洪州牧  
因推罪人海南縣殷格孫卜深遭其父喪給由過葬後使之還

因令該曹稟處事 傳曰依狀請施行事回諭此後除非充囚  
及關係送獄外依法典直為給暇以形止狀聞以此定式施行  
事令該曹分付諸道

乾隆五十一年丙午九月二十八日因慶尚道元基邑抄出別  
單 傳曰移配及酌放人並依 判下施行移配之類一時押  
去易致紛紜次之舉行之意分付該道兩湖元基邑定配罪人  
等罪名單抄明日以別單書人因此見之如機張泗川固城等  
邑編配之數各為十餘人之多熊川近日亦然雖在常年殘邑  
之受困可閤此後諸道各邑自京外未配者數近十人自本道  
徃復文移之定配所事定式施行仍以此意知委諸道至於本

曹則有徒流案必於發配時考閱舉行俾無重疊之弊事案式施行

乾隆五十一年丙午九月 日 傳曰凡於配食 廟庭者稱功臣觀於五禮儀諸書可一按而知且其奇績偉業宣讓於紀常之人乎況世室位配享諸臣又許血食千秋此蓋錄勲功臣所無之殊典而彼獨世宥此而勿論終涉欠事今因推緘照律始覺之既覺宜有成式自今配享功臣子孫一從錄勲功臣子孫例用宥世之典載之法書照此遵行事定式

乾隆五十一年丙午三月十三日脩邊司 啟曰刑曹正郎鄭杆所懷各邑婢子稱以公廨修補印信改造賑恤願納憑藉頃



免醫女針線婢托疾圖免事 批旨有爾言有理抹獎之方議于

判堂草記稟處之 命矣該曹判書李 以為官奴婢與醫女

針線婢頃免圖免閑飭諸道俾無如前之弊云本司覆 咨

婢免役之以印信改造公廨修補者皆是營邑牽袖之致官屬

耗損職由於此今若使已頃者還屬則易致騷擾雖姑不論此

後不得稱頃之意嚴立科条隨現論罪醫女針線婢之有案病

不堪立役者外雖或頃免使之屬役於定代之邑無異相援者

然則此名不去彼必不來相持之間容奸無所以此定式何如

批旨內允其中有公廨修補及印信改造等事頃役之類自今

永罷未為不可卿等更具意見指一草記可也事 命下矣邑

婢稱頗本自多歧而其所謂公解修補印信改造云尤萬無  
謂假使真有修補改造之事懲出娼家纏頭之財作為官長藉  
口之資事面不正而況初無實事都是假托者乎自今永罷著  
為定式實令事宜至於北關一路則朝家禁令視他道尤別而  
近年以來此獎漸肆頗免相續賢不畏法紀網所在誠極駭然  
此後則另加嚴飭毋或犯科而如是申飭之後若有現發之事  
則當該道臣守令各別論勘以為申明舊制之地何如 傳曰  
依草記施行可也

乾隆五十一年丙午十一月十一日大臣簡局堂上引見入  
侍時刑曹判書鄭 所 啓近來民習巧詐莫甚所謂血書間

或有之而若父母及其身陷於刑戮者則決非容易可為矣日  
昨有尚州人擊鍾原情以血書納若以雜血則誣罔之狀誠為  
可惡取諸其身則大不近於人情山訟異於刑戮肢體豈可輕  
毀事係四件故雖已依例上達此等之習不可不嚴懲當該人  
方自臣曹科治而此後雖四件事血書者勿施之意何如 上  
曰依為之

乾隆五十一年丙午十二月初十日 禁府 啓曰梟示罪人

明諭孥籍草記 批旨內梟示亦有孥籍之法乎更考前例草  
記事 命下矣梟示罪人之孥籍考戊申諸達之例姑勿論如  
乙亥之續新丙子之興孝非止一二而前後受 教無梟示罪



人勿為孥藉之教雖以近例言之逞賊炯采梟示後收議大  
臣亦以孥藉之意入草記尚未批下矣今此明賊即亘古所  
無之凶逞前後情節一一遲晚在鞫廳而雖以罪閔兵事出付  
軍門施以梟示梟示與正刑用法則一般逞賊明謙依草記亟  
施孥藉之典小洩神人之憤何如傳曰梟示軍門之律也孥  
藉王府之律也事件各異不可徇行無前之規應坐諸人并為  
奴婢渠之田宅奴婢并屬之公家事分付可也

乾隆五十二年丁未二月二十一日文臣製述抄 啓文臣親

試課講入 侍時綾恩君具 乞明 追後入 侍時綾恩君具 乞

明所 啓續典刑典法流二千里贖布八疋三千里十疋則二

千五百里當為九疋以續木代錢每疋三兩五錢計之則九疋當為三十一兩五錢而續典以為八疋二十二尺六寸代錢三十一兩二錢六分此與徒年贖錢遞加之法廷庭以九疋厘正似好故敢達 上曰依為之又所 啓續大典刑典廷獄千連及錄啓定配罪人逃亡杖一百還配其註則以為杖一百絕島定配大文與註廷庭捨大文而用註為宜敢達 上曰依為之又所 啓刑典增條曰在鄉堂上朝官殺人觀察使 啓聞拷訊云云而堂下則無所舉論堂上之曾經侍從與否亦不舉論宜有定式故敢達矣 上曰係是刑獄重典問議大臣令廟堂草記稟處可也又所 啓大明律奴婢毆舊家長家長毆舊奴

婢皆以凡人論而原典奴婢之毆舊家長以減奴婢二等勘律  
見今以此遵行而獨於家長毆舊奴婢無舉論故以明律凡人  
論施行此係一律宜有酌量之道故敢達 上曰此亦係關重  
律議于大臣一體草記稟處可也草記稟處舉系並為分付於  
備局亦為知悉次

乾隆五十二年丁未二月初五日回忠清道放未放 啓本曹  
回 啓 判付內徒配遇赦即放近或有干連於重獄者徒配  
中始有放仍區別之謬規而終非制法之本意後勿如是復舊  
為之

乾隆五十二年丁未三月初一日左承旨與京畿監司八侍



時京畿監司徐有防所啓驛馬濫騎一事因特敕自備局  
成節目頒下不啻申嚴臣才已另飭各驛俾各惕勵期無犯科  
之地而茅亦有一事不可不痛祛雖以應把言之璿源錄實  
錄外閣奉安奉審行與各陵寢有頃時奉審行赴燕使通信  
使領使行及大臣儀賓一品宗班給馬外大小奉命各行騎兵  
曹馬到圻驛初站替把自是定式載在通編而近來奉命各行  
或稱以兵曹馬疲劣不堪騎直到雇廳責把番馬者已是法外  
而至於所騎兵曹馬雖到初站仍不替把故為越站過去而其  
賞價則無限責出於該驛故圻驛故日就凋殘實由於此驛騎  
之把替把法意何等嚴重而無難故犯乃至於此乎以此前後

移文於兵曹非一非再而了無實效一番痛禁在所不已自今  
以後除非從前應八把之行而若復有責把番馬或越站徵貨  
之弊則並以濫騎律施行嚴飭各司以為恪遵定式毋敢違越  
何如 上曰依為之此弊曾所稔聞自丙申初申飭不啻丁寧  
而弊又若前云此蓋由於承旨史官宣傳官等全昧飭令一任  
下隸作奸之致政院若不首犯他司豈敢效尤此舉系一通書  
付院壁及堂后宣傳官廳犯者當身則以濫騎律論院隸館隸  
吹螺赤令該曹嚴刑照律定式施行事令兵曹知委日前中官  
及假宣傳官之濫騎蓋由於不畏法雖有措辭提飭而亦在於  
該曹該道之聞有必勘無或饒貸卿及該曹亦為各別惕念哉

察可也

乾隆五十二年丁未三月二十一日戶曹 啓曰臣 以銅店

便否就議于領議改金 則以為設店多有弊端固難輕議而  
目今鑄錢一事大開國計曰銅鐵之匱乏將至中撤之境則此  
不可無闕狹迨豐銅脉之豐盛果如所聞則即令開店以為及  
時需用之地至於私採之弊不可不另加禁新毋論銅銀如有  
不為閑田於 朝家私自設店採取之事則不能禁新之道伯  
守令並當重勘以此申飭諸道為宜云矣迨豐縣產銅處蔽連  
許士摘奸仍為設店私採禁新事一體分付於諸道臣之意  
敢 啓 傳曰知道安邊之銅係是既設之店依前 遵奏斯



速採用至於追費則銅脉設令分明輕易開店在所當慎依草  
記發遣計士摘奸以來後更為草記又若私店之弊可勝言哉  
避食之徒作為遁藪須有別般甲令可杜年剝輩冒犯雖使公  
私俱益猶不任他況其大害甚於小益乎此後非度支出舉亦  
行會關文外營邑之任其開店聚集雜類者隨現道伯施以制  
書有違之律地方官徒配又禁錮三年稱以看品等事托公私  
採則不禁之道伯地方官準右律勘斷仍自本道教舉京司分  
付事實狀聞後勿論該營門大將該衙門堂上亦以制書有違  
之律匿不以聞自京現發則道伯同罪以此定式施行事載之  
典律通補禁府刑曹謄錄目以此意令各堂行會諸道俾各知

悉期於無犯可也

乾隆五十二年丁未九月二十九日

傳曰禁紋一事丙寅年

受

教法令不趨至嚴昭在金石十數年來稍鮮弛予於聽

改初綸音未及於時弊条而挽近尤復蕩然雖今日八侍諸

臣言聞之蓋聞其所不聞婦女之婚具燕服用紋品看作尋常  
此說既蔽於筵席則決不可但令閑閑使行而上昧棄以前雖  
不溯考用律及今申禁烏可已乎今自年使行一依丙寅年受

教申禁且按受

教章服軍門旗幟外凡有奇巧之紋一切

嚴禁載錄戎着最無一定之式今於申禁之時雖有別般制柝

条件可無眩於舉行伊時有成節目之命而只以傳教行會

無事目之見存廟堂者云令廟堂謹將 先朝受 教及此傳  
教尾附合行条件揭板濟府及譯院仍令印出冊子分置本司  
及諸法司以為永久遵行之地此蓋仰述 先朝昭儉省費之  
盛意也為今日廷臣者 當守 教宜不敢放恣看過况遵  
先朝受 教更申於今日者乎予則曰宮中之至今遵守觀  
於大小服著可以知耳然諸臣則先從家內婦女各自痛禁則  
閭巷自當有觀感之效象譯輩亦宜必售無利之利毋犯邦憲  
乎此實為端本之改並以此意嚴飭

乾隆五十三年戊申正月十三日大臣備局堂上引見八 侍  
時刑曹判書李 所 啓諸道定配罪人之已滿十數邑勿定



配所事既有定式矣本曹則自當相考配案舉行而至於各邑則未詳他道他邑多少故每有到配後還送之舉去來之際隣族蕩敗民邑俱困此後則雖有數滿邑到配之事勿為還送自配所邑報于巡營自巡營更定配所於道內罪人數少邑後具由狀聞道內諸邑無可分配之處然後始為還送使之更配他道似為除弊之道故敢此仰達矣上曰依為之

乾隆五十三年戊申六月二十八日戶曹啓曰興陽縣田稅一隻到京江致敗後所載穀物之元納官納已極未極照例區處之意有所草記蒙允矣即接明禮官之屬所告則本官及義烈宮免稅米不入於敗船中而願納色吏方欲求納云故聞

極訝惑該船監色沙格之移送秋曹者移文捉來更加查問則  
所告內以為明禮宮免稅米五十八石十三斗七升義烈宮免  
稅米一百十七石十二斗五升八合陳省則並與元陳省而一  
時受來時之元稅船穀物則以他小船載來而別有領來色更  
查問於厥漢則可以詳知云故領來色吏捉來查問則所告內  
以為元稅宮納同出於一縣故陳省果為同時受來並付於元  
稅船隻官納則以他小船載來元不入於臬載中故果為往告  
於當官以納上之地云矣大抵陳省穀物之各載他船前所未  
有之事一百八十石之宮納分載小船千里駕海云者不成事  
理其間必有符同作奸之事而查問之下專事牢諱姑待前頭

嚴覈使之一體究得而穀物既已見在為先俾數捧上輸送當  
官當初推覈草記時既不能逐条盤詰又不能詳加照察有此  
做錯之失惶恐待罪之意敢 啓 傳曰知道以官納事昨年  
飭教不但截嚴況屬之本曹即出於為民除弊而元式令有司  
之遵守義又不敢歇後而近來許多奸弊難以枚舉畢竟其害  
都歸於小民事。無謂孰甚於是乎朝廷舉措當從現發處懲  
後昨日所謂敗船之今日所謂分載者此無他從中作俑任渠  
輩行腦臆而然大抵防納不禁弊上生弊有司之臣若能嚴核  
詳察豈無革其端之道乎粒。辛苦出自小民膏血而及其為  
弊乃至於此甚至極米劣米之懲弊反歸於小民哀此小民何



以聊生分載一款必由於防納。一款必由於作奸令刑曹  
在因諸人等除尋常各別施威寃得實情以聞一以為痛絕懲  
後之地一以示慰謝小民之意其在反偶之義不可自京司一  
番查治而止仍令廟堂將此傳教嚴飭船運邑諸道。伯慶復  
有此等事現該守令重勘監司亦宜有不飭之責毋曰一時飭  
令莫致向後重陷事各別嚴飭可也

乾隆五十三年戊申十月

日脩遼司

啓曰外方徵債防塞

時京司一體舉行而年分回

啓後自本司草記知委事因特

教定式矣今年外方徵債既已限明秋防塞京司徵債亦為

一體防塞之意分付何如

傳曰允

乾隆五十三年戊申十二月二十六日大臣脩局堂上引見八  
侍時刑曹判書鄭 所 啓本曹律官取才例於六臘月為  
之而律學中大典通編當八於取才時考講以其頒行屬耳未  
經 筵票故不入於考講此後取才時以新刊通編為之而時  
王之制不宜異同其他科場及凡係大典應講處一體以通編  
舉行何如 上曰依為之

乾隆五十四年己酉二月二十二日司謁手本別監行首掌務  
手本內同官別監金履非常時使役不動忿不喻別監之不得  
往來於藥房者前後中飭何等截嚴而求覓笑容香互相爭詰  
被打於藥房書頁至於裂破衣服之狀萬々驚駭此等不畏法之

類不可一刻置之於掖庭之側如是呈手本為白有昆相者則  
果如手本內解緣是白置上項別監金履升為先除名後其代  
有根着伶俐者可人各別擇差為只為 傳曰近來別監無非  
化外之類不以人類責之已仍于任渠所為而至於此事決不  
可等閑看過掖屬之貽弊藥院一款弊至弩末莫加收檢是如  
乎柳極之初先自此事立法定制掖屬稱名人之授藥院者無  
論罪之輕重隨現痛懲十數年來庶有令行禁止之效云而今  
有此事可知其法令之解弛設令掖屬被打於院吏如不投足  
院吏豈敢下手乎况芙蓉香求覓之真贓綻露近來法令雖曰  
解弛么麼掖隸不畏法令乃甬事之痛駭孰甚於是當該別監



為先出付攸司照律定配以懲日後行首別監亦為除名令該  
曹嚴杖照律司謁汰去若是處分之後渠輩又若有一毫敲撼  
之事當改廩探犯者除良並與該番司謁及行首別監嚴刑絕  
與定配似此小事法不行於掖庭而何為乎以此判辭書付司  
謁房及藥房此後藥房進上物種掌務官直來待兵門請傳命  
司謁八啓使差洎別監無得與藥房官吏輩接面舉動時香匠  
待令在所不已而亦當多般廩問萬一有操縱之弊則隨現當  
該別監限死決棍定配亦令以此意承旨招致嚴飭分付如是  
而授足藥院者許接之院屬自首營以下亦當重治亦令以此  
分付

乾隆五十四年己酉三月二十一日大臣備局堂上引見八  
侍時 上曰上言之猥褻可謂近日痼弊立制之本意出於通  
下情之意而今則猥褻之極反有關於國經禁維之方不可不  
念卿等各陳所見可也左議政李 曰朝家之許之擊鉦上言  
者概慮羣情或壅幽寃之莫伸而近來擊鉦上言者類多變幻  
事實希覬天恩事之無嚴莫此為甚此係通下情之一端雖不  
可設法永禁而若依定式只許四件事雖四件事其中猥褻者  
隨加嚴繩則紛紜之弊庶可以息右議政蔡 曰近來上言擊  
鉦屑越益甚此弊不可不一番痛祛而但擊鉦則立法本意或  
恐下情之有所壅遏則難以永塞就其中猥褻犯分者自法曹

痛治則奸民猶有所嚴畏其所濫雜似不至於近日之甚至於  
上言以子孫言其祖父孝行以干 天恩者不勝其多揆以道  
理萬未安此後則一切嚴防雖以鄉黨公議為他人論烈孝  
行者自當呈書道伯以請狀 聞而其所為言果不爽實則道  
伯歲首之 啓豈不採取公議乎以此申飭各道俾知定式無  
敢以孝行等說煩之上言則庶可除濫習之一端矣 上曰孝  
烈事上言目前頗相所奏年前果有區別定式此蓋出於禁其  
濫雜存一糸路而到今濫襲愈甚右相所奏正好此後除非歲  
首道狀無論為親與為他人無敢以上言為之之意嚴飭京外  
可也



乾隆五十四年己酉四月十四日召對八 侍時同副承旨  
耆所 啓 臣於檢驗文案事竊有愚見適因言端敢此仰達矣  
獄事之重大莫如殺獄檢案之繁肯專在跋辭凡於一字一句  
之間亦或有生死立判處而近來檢驗跋辭必欲為對偶之文  
一隻則據實成句一隻則牢合為說甚至於虛實主客之易眩  
前後次第之倒置其有乖於欽恤難慎之意者誠可悶矣他餘  
文案尚可以務其精緊作為儼偶而檢狀之跋辭題辭則毋或  
拘於近奄添入衍字必也從所見直寫成案以為重人命重獄  
體之地恐合事宜矣 上曰出舉彙中飭可也

乾隆五十四年己酉五月 日因南陽殺獄罪人韓灌獄事判

付內法典內通訓以下係干敘越自新評推內侍亦無異同此  
後段依朝官例京外獄官自新舉行事分付仍為知悉諸道為  
良如教

乾隆五十四年己酉五月 日大臣脩局堂上引見八 侍時  
平市署提調李 所 啓大臣以懸房撤屠事陳白既有言端  
敢此仰達矣近來民習無嚴各壘市之民徃有鎖壘撤市舉  
事之駭然莫此為甚此後則如或有撤市之弊本事曲直毋論  
該壘頭人直為嚴刑定配之意出舉条定式施行何如 上  
曰依為之

乾隆五十四年己酉五月 日因斗一命福等本曹防 啓

傳曰依前判下舉行無論禁府本曹草記防啓之弊不可無  
番嚴禁有司異於言官與喉院若有難於舉行之事以上疏陳  
見不害為執藝之諫以草記直請反汗與喉啓臺啓者事體之屑  
越莫甚於此、猶然矣甚至於藩守土之臣間以狀啓云不得  
舉行緣由馳啓寧有如許國體此後永革草記請寢之謬例外  
方則令廟堂行會嚴飭如是定武之後雖政院草記狀啓為之  
者切勿捧入事載之故事

乾隆五十四年己酉閏五月 日推考房承旨持徒流案八  
侍時 傳曰編配之積滯此亦貽弊小民之一端京因猶審理  
外因所在犴狴并令洗滌一邑十數殘邑多人主客俱困之弊不



可不念昨有措辭下教今又令該房持八書下意蓋在也書下之類令該曹以榻教後錄分秩列名行會諸道如有罪囚而未蒙放者判堂論理草記以同罪此道蒙放彼道未蒙放亦為詳閱如有落漏者一體草記待批下追後行會事 榻前下教

乾隆五十四年己酉閏五月 日 傳曰今閱諸道徒流案以

凌辱妻上典發配者殆乎無邑無之先見原春道意謂真有本犯大抵罪不知不恭於妻上典情狀痛惡雖曰徒年限近不可輕放特為刑推後放送矣更思此必為欺人取物等依條沒冒著律名因他罪撥用此律而然諸道徒流案中以凌辱妻上典罪發配之類判堂查問其時律官各其名列錄信然與否具

別單草託以常理推之外方則無是京中獨如是黥然者惟官  
奸狀該曹所為不難知也無拘顏私從實草記事申飭該曹

乾隆五十四年己酉閏五月十一日大臣備局堂上引見八

侍時右議政蔡 所 啓日前 傳教為慮罪囚薰染時疾至

令保據雖死囚之冥頑者寧不感從又聞予使刑判另加審理

臣於秋曹訊問竊有所一欲 上聞者敢此仰達矣凡於日次

開堂之時所謂死囚母論其數之至於二十三十一時并刑一

時下杖惟以速之凖以馬至而為堂上者不知何因之為某名

不知何因之囚某罪點之坐視初不發一詳問該設使罪囚欲

為承款實無暇隙以無他月大訊問既有法制則五日之內一

審開坐亦且未易甚執力於一日之內忙之  
啓可免不職之

罪故也臣意則日次法亦不當如此使堂上閱其文案面各詰

問一日之內雖止三次亦無不可而但差此而月六訊問之視

只有所防俯詢刑官悉陳所見好矣  
上曰時任刑判及曾經

刑判各陳所見可也刑曹判書沈  
順之曰日次訊推專為盤數

明情一月大次明有定分一皆發問則許多罪因實無當日中

舉行之勢故已成證例一時並舉事、無實誠如大臣所奏今

若如法鉤詰則當月內無故之日甚夥大次行推恐難如此此

甚制碍矣左恭贊金  
華類曰推數罪因何等嚴重而無論多寡

加刑惟  
啓不踰開坐日故致有此率法無實之舉差於日次



三堂上各坐今訊則猶可為盤覈之道而許多罪囚必欲在場  
日內畢推也必復如前襲謬恐無矯革之效矣行副司直李

相

國曰刑曹大次訊囚之法何等嚴重而不許多寔一時並舉專  
以速為準次為主至於盤覈之道未免踈漏事之無實誠如大

臣所奏臣意則不必以當日內修 啓一日之內未盡推覈則

雖明日舉行拖至二三日務盡精覈之道似好矣禮曹判書鄭

昌順

曰秋曹日次訊推之法誠如大臣所奏非但刑官未暇起

程發問罪囚雖有稱寃納供亦不收錄只以與前推無加減預

修文書依例入 啓具率欽恤之義若欲三堂分訊則亦非會

同之意此後則勿拘日次遲速罪囚多寡詳詰盤覈隨供修

啓鱗次入 啓則似無如前之弊矣行副司直金尚集曰臣於  
本曹未嘗行日次開坐而概聞罪囚訊問之時初無信言盤覈  
并加一時拷打者揆以微体誠為未安今聞應問在囚人不過  
十餘名云雖使之一二推覆此特半餉間事耳今後則不必以  
當日內畢推修 啓為其反覆寃詰俾盡審克之義恐好矣  
上曰聞甚駭然既聞之後宜即厘正此後無或如前一時并行  
當日內如難畢推雖至翌日又翌日次日三舉行文書亦屬次  
修入之亦可也

乾隆五十四年己酉正月十八日黃海監司李敬倫道內待用  
之類後錄 啓本瑞興宜配罪人金瑜恒罪目有此等律名近

來申飭則何敢以此照律年律官捧批草記如無關係并與定  
配放送事 判下矣依 下教取批於其時律官李先迪則批  
內以爲去年五月金瑜恒以良女招引改適事自本曹推問時  
瑜恒或佩良人號牌或佩生徒號牌名字年歲兩牌不同故依  
大典通編以役名不以實書罪杖一百徒三年照律 朝家申  
飭之下不能謹慎自速今日 嚴命罪死無惜云其不有 飭  
命掌有擬律之罪自臣曹從重勘治至於金瑜恒罪狀取考文  
筆則招引良女變行役名雖極可痛若其關係則無大礙者故  
依 下教定配放送之意敢 啓 傳曰金瑜恒之罪不可輕  
先放送定配今揀一款置之而既有招引良女之如許重犯則



何故隱匿本事月以此可東可西之律名照律甘犯前後虧禁  
牢此等律官嚴處然後依稀照律之法可以少煇初欲定配於  
照律該地方矣渠等多是貧殘之類今番則十分套酌自本曹  
嚴杖懲罪此後除非分明冒稱撥告者外似此開汨重律名無  
或混用事嚴飭律官處可也

乾隆五十四年己酉五月 日因全羅道渠女郡殺獄罪人孫  
病八老味獄事回 啓 判付以渠安郡因孫病八老味段向  
求判付時非不知元犯之專屬此因而第因其名而想其人則  
或慮其病痿之漢未必作殺越之舉是違又况渠之前後爰詳  
一直推諉於在逃崔女者并不無些分執議之端故使之待跟

捕究數以聞令馬崔女之供出而韓女被錫時光景非特瞭如  
指掌就其中牛黃鷄粥之面傳躬饋孫家崔屋之此毀彼賣以  
至隔一舍過三稔之相通穀氣者輒歸之在逃等各項隱跡尤  
明白呈露矣曹 啓所謂誣援湊如水釋情節轉成鉄案者誠  
得之另飭推官加刑得情毋論虛案真偽或同之妻關塲之在  
傍者證者此也凶身之藉口掉脫者此也移在接壤之地恒作  
趁虛之行則名以跟捕初不致疑乃於年久行直之後始為現  
問者揆以體面萬一駭忽該郡守既經論斷勿論不飭之道臣  
并推考為祿所屍帳之小大相左今不必追究而即以前道臣  
題辭論之揅驗事体至為嚴急雖在冬節寒凝之時固不容暑

刻以緩而觀於過去守令之在他地方亦為行撫之法可知則  
順天光陽寶城三倖之互相頌移至使夏月屍体腐爛莫憑者  
誠極痛駭道臣之不即狀勘只治刑吏失之太寬從重推考三  
邑守令段待稅穀畢裝發並即拿問定罪舉一可以反三自卿  
曹以此判付知委諸道若有撿驗時謀避報移者是去等毋得  
掩覆直以依定式拿問重勘之意措辭狀聞事嚴飭行會仍載  
本曹受教

乾隆五十四年己酉閏五月 日從流案八 啓 傳曰今審

處今凌辱妻上曲事被配者多蒙分揀概以名數太多意或因  
他罪勘此律故耳否則何必輕放乎大抵最可惡最可駭者所



謂婢夫之不恭於妻上典無論班戶閭家必多逢辱之弊況今  
民習不古國法不畏之時此而歇治後弊難言勿以緣放認爲  
朝家本意在於歇治此後隨現隨告隨即一一如法勘配事卿  
曹知悉婢夫之不恭豈獨在於重宰及有品班戶而近見徒流  
案無非表之士夫若此則微之人毋論兩班中人常人可知  
其初不如意懲治是豈平允之意乎自今微之人逢辱之處隨  
其發告或傳聞亦即嚴治例杖例配何以懲惡其中事理重者  
原律外必皆嚴刑一次然後收勘

乾隆五十四年己酉十二月 日刑曹參議尹 行 誌 八 侍時

傳曰每朔天次出禁而三堂上各出大次事宣云

乾隆五十四年己酉十二月 日殺獄罪人金台史加刑 啓

目 判付內查推之命今至半歲始乃回啓何也大抵近來本  
曹於死囚之獄首住等閑月大準式新反並與月一推而不為  
如許司寇將焉用諸如是而外方之刑推與不準汝何以禁止  
乎此後月終錄啓以令朔幾次訊推罪人名下懸錄如或未準  
三次該堂則請推該郎則請拿事定式該房知悉載之故事以  
懲獄官怠慢之習為祿本獄段疑晦多端本夫並只待榜訊限  
滿除尋常箇各別嚴刑期於得情為有矣萬一如前漫漶捧  
拍卿等難免其責今此除良觀於今此文案問目與結語都沒  
精神大不若前判堂之詳明判堂雖似不嫻吏文而然亞三堂

之袖手傍觀亦甚未安後勿如是為良如教

乾隆五十四年己酉十二月 日殺微罪人奴鉄金加刑 啓

目 判付內依前判付加刑得情為稱死囚數多次茅訊推動  
費數日如是則一月大推將無如式之時此後段若值短暑或  
盛暑雖未一一准式而此外諸堂備貧時一堂與一即今掌榜  
覈未知如何是乙喻從便相量舉行

乾隆五十五年庚戌二月十五日漢城府 啓目 判付內古

之大臣先問牛喘所以盡其職也今之監司不識風化之關係  
至重觀於昨日价川事可謂寒心此訟段置亦閑倫綱若使道  
臣能盡其職似此亂民嗟主之說何微於九重乎令道臣除尋



常親執嚴查若有一毫近似之事則非正犯今之律仍以厥漢  
輸示諸道後押付配所依流三千里新定或於周流之例為矜  
此後奴犯主山而步數當禁之訟無論先後曲直絕勿聽理所  
犯奴屬嚴刑三次遠惡絕量仍本役充定勿揀赦典以此分付  
刑曹載之受教仍又行會諸道俾各知委列邑期於無犯為良  
如教

乾隆五十五年庚戌三月 日

傳曰當該司謂令攸司科治

司謂尹昌烈係是出身移義禁府草記

傳曰渠輩何必移送

更勿煩庸可也

乾隆五十五年庚戌四月初九日

傳曰近來到配狀之首尾

階續者私掘露棺罪也雖以今日教未教啓本言之十之十即  
願罪雖由於邦禁蕩然潛不畏法嗜訟山地之徒亦豈必昔小  
今多而然乎此蓋各該道伯不欲行任懲一之政而不能嚴  
戢於未然事之駭然孰甚於此況在先朝制法之飭禁至為  
截嚴則諸道舉行尤豈敢乃爾此後各道一年內以此事發配  
夥然者該道臣拿處不禁之守令同罪論奴贖不發配只減配  
文名數致有現發則亦難免其責以此贍頒朝紙仍令該曹嚴  
飭諸道俾勿更煩

乾隆五十五年庚戌四月十九日 傳曰近來諸道陸續業及  
教未教啓本或因編配數多而移配他道者其時處分傳教舉

行草記全本載錄之故列書沒繫之各人姓名徒煩披閱此後  
移配之類卽該到配月日移配委折書之事付各該道

乾隆五十五年庚戌五月十八日義禁府廣城堡別將尹宅革

照律 啓目 判付內護送不用心地方官自有當勘罪名則

忽以無前法之三等奪告身啓勘者律官所為萬一痛惡有執

士夫則重律低勘無勢主裨則公然加倍寧有如許王府關和

乎前此申飭何如則用律之際焉敢若是用奸設律官初欲嚴

刑準三次遠地定配矣以今日之致十分叅酌只令汰去以此

判付嚴飭刑曹此後京外律官舞法之習各別嚴飭此因陔以

本律罷職放送為良如教



乾隆五十五年庚戌八月初二日 傳曰今因嶺南審理事該  
道則才有措辭回諭而舉此可以反隅者諸道今番審理則判  
付祇受後若於仍推執中年過七十歲以上人勿論已錄啓未  
錄啓及詳覆各即收舉北間仍請該曹稟處事分付年八十者  
勿令成獄即遵大明律成式也仍令特載於通補纂次時矧今  
大赦之會久因之年七十以上者若不區別處分身在其疏釋  
之本意並以此意知委事令該曹分付兩都及嶺南外諸道監  
司處

乾隆五十五年庚戌八月二十日 傳曰今日適因難科八格  
生徒召見聽考講上文至大明律流囚家屬之凡犯流者妻妾

從之。文不覺傾聽。仍令律官取來原書果有之。大抵明律條例尚嚴而嚴處濟寬有以仰制法之本旨。况我朝制置之仁厚。即相授之家法。以予追述之心。既覺有事屬未遑之典憲。或不思議。所以惟潤之方。乎近例。徒流者妻妾無隨往之事。貧無以自力。携往者不必勒令棄去。若勒令則是反傷全家之律。非所可論。而如情理切意。力能辦往者。依律文許從。未又不為歎恤之政。令法官以此知悉。京外何異。外方發配。準此事。令在堂知委。

乾隆五十五年庚戌八月 日兩揀官緘辭照律 格目 判

付以部官府郎即百里之權輿。則以行揀不識揀。休當依律文。

勘處而層之宥旨前事先施問備之典者可謂失之太寬是去  
乙觀此其矣緘供亦甚模糊元為駭然來頭考績置之次考以  
懲不用心於三尺重案之罪為忝雖以本曹言之題語無致責  
之語題狀是在當該堂上及會推堂上完決文書入啓時當該  
判書一併為先推考此後揀案之如是違格者一遵大典法式  
令該府當該揀官批以奪去身之律直自本曹移關施行

乾隆五十五年庚戌十一月十一日兵曹

啓日依 下教玉

堂引福行首使令李崇集洪棍十五度當直書吏鄭益周行首  
羅將鄭立晃各決棍十度司憲府行首書吏許倫行首所由金  
弼五司諫院行首書吏洪德直行首喝渠李載春各決棍十度



而憑藉鐵牌恣意犯夜玉堂使令金義大軍士先得各決棍十  
五度之意敢 啓 傳曰并放送憑藉鐵牌恣意犯夜而漢營

底保授過辜限後加棍十五度移送該曹照律三司連日不為  
合啓果是何如之義理而渠輩雖鐵臥之後各以三司上隸則  
真若成均館齋直慣聽之吏句當知明義錄三字渠輩之犯  
禁豈不為泮僕之罪人乎鐵臥之徒亦不識明義錄之畏懼則  
義理之掃地尤可知是豈但以犯夜言乎此後則三司下隸之  
犯夜者原更數外重棍移送刑曹照律單記事巡邏各營巡廳  
捕廳以悉在合書揭壁上仍以此傳教載之以院軍士房故事  
刑曹受教膽錄可也

乾隆五十五年庚戌十一月二十日洪州金判同以其父萬弼  
見漏老職事擊錚據判付內營題足為證左取考卓在帳籍  
章記為稱此後以老職當入見漏事擊錚者自本曹先考帳籍  
實則除刑推捧供措語終啓違錯則依例刑推捧供事知悉舉  
行為稱以亞堂言之名書於呼籲者原情設令事實相左理當  
自引況身在一曹借口僚堂難掩幻互之跡而是若無所干循  
例著名於案座之席以此啓目無難登徹故恐莫甚叅判金可  
謂兩罪俱發此罪並以勘律之意今付該府為稱出納之地不  
能據理退却致煩辭教當該承旨為先從重推考事

乾隆五十五年庚戌十一月二十日同副承旨八侍時傳

日近來擊錚原情十之八九為猥濫并付裁抑之科一依該曹  
章記所請施行如是之際奸弊又出雖以鳳山女人原情事言  
之所謂章記截去頭尾惟以不見頃極意密計此後畏濫振去  
之類依所營格本例以啓目為之先以勿施之意措語蹈印外  
行列錄各人原情無或刪去字句事分付該曹以懲欺蔽之  
習

乾隆五十五年庚戌十一月十五日 傳曰明日即陽至日也

休 先王開闢之意宜念嘉關扶陽之政冬至前後一日及至  
日各同歲時不緊章奏切勿捧入仍令以此意嚴飭

乾隆五十五年庚戌十二月二十日在副承旨八 侍時筵



稟定式內錄啓茶雖一度隨到請出修正以八事不必卽廳詣  
闕請出以某道某邑某罪人錄 啓修正之意書于標紙使  
執吏納于政院而招司謁請出諸道徒流案則一併以仲翔請  
出修正以八事定式

乾隆五十五年辛亥正月二十日因西部李靖國擊錚原情啓  
目 判付內訟理曲直不難分曉則公決顧何難事名以營邑  
今日明日推委為事屢煩呼籲屑越莫甚嚴飭諸道毋敢如前  
漫漶為旅雖有至寃切迫之端但當就事論事舉其不當之彼  
隻先故登諸奏御文字此等習俗在朝縉猶可痛禁况如渠蟻  
虱乎所謂世界亦已昭脫無餘官爵自如之人則尤可謂皮不

存原情人段付之該道各別嚴治此後勿論山訟他訟並及題外似此說話以為敲撼之計者直於朝廷道庭燒火所捧原情後勿論本訟曲直加等勘罪仍即草記狀聞事定式施行政院該房故事該曹該道謄錄以此判付詳載以為依此舉行之地

乾隆五十六年辛亥四月初四日備局有司堂上漢城判尹八侍時判尹具廩所啓官制既已變通財力亦且區劃則各部難支之弊庶或獲革而但欲使之有官長之體則稍畀詞訟之權竟屬富強之民然後始可有案效矣部內二十兩以下及酗酒鬪毆等訟依舊例一併付之該部聽理其中若有干犯稍

重者則自各該部報于本府自本府移送秋曹照律重治甚好  
以此定式施行何如 上曰雖不作式自有舊典而近來部官  
輩反不無法外聽理之弊民之受困亦足可悶且以渠輩職責  
言之勾管而已統攝而已可也捧債徵債等事過加假其權則  
既有刑漢城府不但有侵官之嫌彼諸郎官未經事者聽理決  
難一一中窾此後關政酗酒等事中明舊典著意照察如債錢  
等事雖屬舊典之應在限內者毋或輕先聽理渠輩必告于曹  
府決處事中飭可也又 啓曰各司之侵漁部隸無處不然而  
成均館左右捕廳及巡廳又其最甚者也捕廳巡廳則稱以座  
更見關成均館則稱以知委之不勤而甚至齋學毋論公私事



率皆公然推捉小不如意則狼藉毆打甚至於突八部中恣意作挐如是之際部隸輩恟於見捉歎駭鳥散部官則傍無一人吐公解雖欲逐出其勢未由景色之愁亂下習之無嚴尤極可駭此實部隸難支之痼弊臣謂部隸輩不勤舉行之事各司郎及巡廳從事官泮館久任卽廳四學之教授訓導論列罪狀報于京兆使之嚴治而大臣分付及承政院內閣脩邊司議政府漢城府之外雖五上司各軍門不得任意推捉或囚禁事定式嚴飭而如有犯者自臣府草記論罪何如上曰既為渠輩制其保存之責則加其料不除其弊何異於不為此後先自成均館之法外侵漁各別痛禁陞試庠製既非科塲則捧甘五部知

委洞里坊曲使諸生聞風來赴足矣名以堂々賢閑為此徵事  
貽此巨弊萬々不成說如是定式之後雖一吏一隸屬於各部  
者招八香撫以內一步地者部令自賢閑犯之何可曰首善乎  
當該大司成拿致王府施以違制之法律久任卽棄告身三等  
吏隸中作奸者嚴刑定配萬一事出儒生則久任卽勿論儒生  
移送攸司照律勘配事嚴飭分付巡廳監軍及捕廳之以座更  
事雖有執頃者只治任掌部屬則言送京兆治罪若此而更有  
犯科者巡將監軍及捕將等亦爲拿問重勘不徒此也政院內  
閣議政府脩邊司刑漢城府勿爲推治或囚禁雖五上司無得  
囚禁各軍門毋得用棍笞皆言送京兆科治事定式以此定式

作一木牌各佩部屬以為憑考之地可也又 啓曰內農圃染  
藍輸納時以道路污穢之修掃事當部書貲使令逐日待令於  
路傍若至畢納則將近一朔云此亦為弊之大者永為革罷似  
好而臣取考庚辰事目則凡部隸治道導 駕衙門外督責待  
令者一切嚴禁而每於動 駕時班首班末禁府留陣司憲府  
待令等事甚無義此後則依事目亦永為革罷何如 上曰依  
為之母敢一毫違越至於內農圃事尤為駭然萬一如前載來  
之中官定配圃吏刑治可也

乾隆五十六年辛亥七月二十日以司憲府書吏李載輝等作  
弊江民事本曹回 啓 判付內前此飭禁何等截嚴乎法司



出禁所以定民俗除民瘼而反為虐民厲民之歸其為痛惡百倍甚於尋常犯科嚴懲未久冒犯依舊如許亂民足可謂同敕歛賂捧錢各人等次、嚴刑與前受刑準三次遠地限已身充定軍役為林所謂都吏及干連各人等加刑一次照律嚴處為稱身為掌憲之臣刑漢兩司吏隸之作弊猶可隨聞痛戢甚者并與不飭之堂即論勘事理則然是去乙考其所為反於是忿除良痛戢新反長惡如此其為溺職之失先自法官重勘當該憲長玄重祿畿沿投鼠此後名以憲吏憲隸復踵前習侵虐民間者當以盜竊財貨律直斷以此判付載之本曹本府謄錄政院刑房故事為良如教

乾隆五十七年壬子正月十五日朝叅八 侍時刑曹判書李  
埤所 啓外邑守宰之犯科者諸道狀 啓皆以令攸司稟處  
為辭而攸司即臣曹故臣曹每以移義禁處之覆啓蒙 允後  
金吾始為舉行矣此蓋國初之無金吾只有臣曹諸般刑政專  
管於臣曹故狀辭云々竊由於此而伊後 朝家特設金吾凡  
朝士之置對皆令金吾舉行則獨於守令請罪令 攸司稟處  
之狀先下臣曹者固是襲謬之此後則諸道守令請罪狀自政  
院不由臣曹直下於該府則不害為省文從便之道故敢此仰  
達矣 上曰依為之

乾隆五十七年壬子二月三十日京畿利川鄉戰罪人李義亨

發配於江原道平昌郡而到配狀 判付內民習可痛鄉戰法  
禁何如則焉敢以此事登聞卿其除尋常嚴刑三次絕島定配  
仍令該曹遍飭各道更以鄉戰二字登聞道臣守令難免重勘  
毋論罪之輕重隨現一依 先朝受 教法令遵行毋或一毫  
泛忽事分付

乾隆五十七年壬子四月初五日禮曹 啓下今此陰陽科  
試時天文學八格五人中金哲即譯官宗仁之子也譯官子  
侄勿許他歧事既有新頒令甲原榜中金哲拔去之意敢 啓  
傳曰譯官子侄雖有勿送他歧之命此特指近來開散壯勇衛  
之投托否則或走於他軍門或屬於各衛門之謂也陰陽科雖



與譯不同雜科則一也且况雜科諸技人才漸不如古則不可  
以譯官子侄一味防塞此後以雜科互相往來觀光者勿禁

乾隆五十六年辛亥八月初七日刑曹 啓目粘連 啓下是

白有亦依 下教發遣卽廳問議于大臣則左議政蔡 以為

尹持忠權尚黠窮凶極惡之罪傳說藉々而臣則意以為苟有  
人形同得秉彛渠亦人耳其惡何至若是之甚切有其然豈然  
之意今覽道臣查 啓棄其親屍雖是浪傳燒却祠版俱為自  
服噫異端邪說之賊夫人子從古何恨而如許至凶悍至悖惡  
之事自有生類以來未之聞者妖說之惑人何以至此人之特  
失秉彛亦何以至此覽之未竟心骨俱冷不能自定此不施以

極律無以淑人心而正倫理臣謂尹持忠權尚默而賊分付道  
臣衆民所見處不待時處斬懸首五日使億兆羣生咸知綱常  
之至為重邪學之絕可戒斷不可已矣伏惟 上裁云矣臣等  
謹考律文則 大明律禁止師巫邪術条有曰凡一應左道亂  
正之術或隱藏蓄像燒香集衆夜聚曉散佯修善事扇惑人民  
為首者絞同律發塚條有曰毀父祖神主者比毀屍律子孫毀  
棄祖父母父母死屍者斬二罪俱發從重論不但名例所載今  
此尹持忠權尚默等邪術妖書潛相傳習甚至於祖父祠版手  
自焚毀窮凶絕惇人理滅絕而查庭覈問之時其所供辭節々  
兇悍決不可一刻容置於覆載之間更令道臣具格 啓聞後

正法何如 判付內依所照律施行同日刑曹堂上八 侍時

判書金 所 啓全羅監營同推罪人尹持忠權尚默文案回

啓既有依所照律施行事 判下矣大臣收議及臣曹照律

處斬則一也而有待時不待時之異何以舉行乎敢此仰達矣

上曰依大臣議施行可也又所 啓兩賊正律不可一刻遲

緩自臣曹知委本道一邊捧結案 啓聞後即為舉行斷不可

已更此仰達矣 上曰依為之又所 啓湖南兩罪人既用大

辟明正典刑不但一方人士庶或知戢毋論京外設有傳習那

學者必有懲創之效而至於拔本塞源之道終莫如痛禁

其書其書不傳則其學自絕臣意則遍搜坊曲投諸水火而自



首者則付之令前一並勿問若或有不即現納從後被捉者自  
臣曹依律勘斷之意預先嚴飭何如 上曰依為之火其書  
待卿言而年前禁西學事脩局回 啓 判付中名曰火其書  
一有見遺反損法紀為教者出於令出惟行之意而今則近於  
干戚瞽不知畏烏可不用重典當別下傳教定制自卿曹為先  
知委京中限二十日諸道各計令到後二十日之限家藏者告  
官焚之昧爽以後若有現發於匿置者自有當律卿其嚴飭坊  
曲俾無不聞知之弊外方一体行會限後犯科監司守令并當  
坐論亦為分付可也又 傳曰湖南囚尹持忠權尚默用大辟  
既從獄官之議律而渠之絕悖至凶無倫乎不埋瘞一款之浪

傳母論焚與埋用意下手於祠中之版者是可忍熟不可忍猶屬歇語以今民志之日渝正孛之日益猶不料有此滅倫敗常之舉亦豈但曰不遜而不親乎哉戊寅海西之事特不過村氓野婆輩無知沒恥之犯權尹兩豎尤與賤類自別則其為彞常之變當如何此所以判下曹案也先以治化之未敷瞿然發類者其在明天倫正人心之道宜有別般懲惡之典事屬綱常何拘格例乎金羅道琮山郡限五年降縣置之五十三官之末該守令任其作罪其敢曰在官不知乎不可以渠先摘發有所寬恕日前臺咨亦以待決末處之為批該郡守先罷其職仍令該府拿問照治重勘至於大其書之請既從刑官筵奏而使之火

之寧有徒法自行之理乎家藏者告官自首自首者勿問仍自  
今日屬之昧爽更以所謂厥丹現發於昧爽以後者施以重辟  
并家長勘罪斷不饒貸事載之金石之典而自廟堂先自部內  
坊曲嚴明知委外方一体頒示今則處分既嚴而所謂那學事  
可謂出場復以如此如彼之說登徹於公車致煩酬應反非不  
事之義以此分付向於臺啓相劄之批申以衛正學三字以  
闢邪說之惡務言似近遠意深長今於兩豎用大辟之後其  
所扶植闡發之策不可以近遠而忽之昨見枚啓文臣對策中  
有一券之以林下隱迹者先試即潛邑吏為抹措此說深有槩  
焉欲待查事出場而用其言矣琬山見廩以批選中人差遣事



分付銓曹又於筵席語到端本之方大臣請以學習經傳尊尚  
程朱固窮不染於流俗者拔例晉擢大臣之言誠好矣令廟堂  
抄選讀書之士以啓式年不遠此其時也道內飭躬修行之士  
亦令廟堂嚴飭諸道方伯勿循前套宗心對揚先誠卽潛而可  
堪次試字牧而可合推以至於脩顧問亦足當其任者式年原  
薦外雖一二人各加搜訪期於歲前登聞事分付載之禁府刑  
曹受教

乾隆五十七年九月初五日大臣脩局堂上引見八 侍時左  
議政 啓  
啓臺臣所奏大曠出禁之論誠為荒歲裕穀之  
策而 聖批中得其令行之方然後廟堂可以施令之教儘是

禁酒要道臣當更為十分商量而茅禁有一事大有關於民生  
日用飲食不可不及時嚴禁雖以十數年前言之所謂賣酒家  
酒有不過沉湎佐飯之屬而已近年以來民習漸巧謀計百出  
酒名之務出新奇姑妄論懸房之肉市厘之魚太半歸之於脩  
肴之資珍羞沙湯錯雜於酒饗之前閭巷少年不特所嗜在酒  
惟在肴是貪三三五五手買飲由是負債亡身者不知其數  
固已萬々痛駭而市肆饌物日就踊貴者全由於此而不禁  
則都民食事何由而不至於艱辛匱乏乎臣意則一切嚴禁斷  
不可而已其出禁之權若痛責於三司與五部則諸般下隸之  
托以禁亂操縱懲求之弊其門多端本弊未必全革而別弊之

俾出難保其必亡京兆卽主管五部之衙門使之全主此禁錄  
置五部內大釀家姓名時々出沒廉察如或見捉則家主只施  
猛扶而勿徵贖錢一人而三次見捉則移刑曹刑推懲勵各司  
吏隸如或潛自買食而見捉則文移本司卽為除汰如是而終  
不知戢則此亂民也渠既為亂民則畢竟付之捕廳之外更無  
他道以此意揭榜曉喻則斯民也三代之民寧有不從令之理  
乎禁酒下令之前雖有所賣有酒則亦不可無肴以佐飯或菜  
蔬置之盞臺之上餘外則都屬之犯禁酒肴如是禁止則食廩  
之移以飲之又不無其慮此則且觀來頭以禁肴例禁之而先  
為懸法毋使陷辜如是定制之外秋曹憲府五部若干涉於此



禁致令騷擾則當該堂上隨聞論罪亦不可已事係民食且屬  
新令語雖煩屑而不得不如是陳達矣 上曰依為之

乾隆五十七年九月初五日大臣脩局堂上引見八 侍時兵

曹判書李

秉模

所

啓臣於火藥賣買事適有區々愚見敢此

仰達矣火藥私製 先朝已百以後禁令至嚴則不得私自賣

買自在其中而雖以藥丸契言之外邑鎮賢取時必也具書目

牒呈於武庫始為受去而惟慮夫虛竅之相蒙成給勿禁帖其

嚴概可知矣挽近以來法禁蕩然今番訓局庫子之多數偷竄

旨意專為射利推出多在市肆其在懲後杜弊之道申明舊典

斷不可而已第念獵夫行獵之資亦不可不開其一路此則內

而武庫及各軍門外而營閭邑鎮待其呈訴憑考量給其餘市肆閭巷之私自賣買者一併依律重繩之意出舉条嚴飭俾無犯科陷法之弊何如 上曰依為之聞有 先朝已酉禁令如是拋置者紀綱之外舉行萬々駭然既往雖不可一々追勘此後雖一斤半斤更有市肆賣買之弊則該營將臣查出令該府拿問施以重律不能窺察之捕將同律以此定式

乾隆五十七年十月十五日義禁府 啓曰前承旨朴奎淳絕島竄配事承傳 啓下矣遠道中有絕島處只是全羅慶尚兩道而皆尤甚邑羅州則之次邑故以此磨鍊以入矣今伏承更定配所於稍寔邑之 命而稍實邑無絕島朴奎淳以之次邑

扶安縣蠲島更定配所而以 承傳內弊緣具罪目依例發遣  
府書吏押送配所之意以 啓 傳曰一邊許施於道狀一邊  
定配於該道是宣信令之意乎罪自罪法自法則楸黑耽之無  
特教而定配所卿之舉乃已高 未安更定配所處亦違下教  
本意卿則為先從重推考湖南諸島如無稍實邑移配西北大  
抵有司守法然後人之視法者畏之被法者亦畏之若以一時  
公貸任意濶狹於常法則法自益輕而其流之弊誠有難言者  
此後非特教而定配所於楸黑耽者無論該府該曹當該首堂  
當施反坐之律以此惕念仍為載例故事及騰錄可也

乾隆五十八年正月二十六日水原留守蔡

所 啓本府



既陞留府之後有流以下自斷之例不可無檢律一頁亦宜  
啓下以此分付該曹何如 上曰依為之

乾隆五十八年二月二十日大臣備局堂上引見入 侍時行

副司直趙心泰所 啓外方戢盜之政各自州府郡縣另加調

案俾有實效事頃伏承 延教自左右捕廳已為行會各道、

帥臣而茅伏念京外調盜之法五家作統互相窺察自是古規

而廢却不行久矣及今黥歲申明舊典恐合事宜且近來籍法

牌法蕩然無籍無牌之徒恣行無忌間或有三、五、劫掠村

間之弊亦非細憂而今非成籍之年則此不可輕議至若無牌

之類於京於外各別痛禁俾知懲畏亦似有效下詢大臣處之

何如 上曰大臣之意何如右議政金 曰籍法牌法俱是法  
典所載廢却不飭固已可駭而今者將臣所請誠有意見以此  
嚴飭刑漢兩司申明舊典另加察飭似好矣 上曰依為之

乾隆五十八年癸丑 月

日龍宮縣監閔光暹徒三年定

配又五年禁錮

啓目

判付內凡禁錮云者欲令知罪使之

改易之謂也今若於渠三年徒配五等奪告身除却五年而加  
以禁錮五年則將至十年半如渠過年限者八十前何以著帽  
乎八十亦豈易乎既非限已身之律則宜有濶狹禁錮分據此  
後過年限守令用此例定式施行而照律文書以此判付措語  
此乃法欲信而無寓絜矩之政也以此知悉

乾隆五十七年壬子閏四月十七日兵曹 啓曰今日初昏時

蚕頭下山腰有火光故發遣校卒捉來查問則李德彬李厄伊

金大得等所供內矣身等以屠牛漢行刑時使用次捉囚刑曹

今纔放出而無處呼訴有此放火之舉同謀者六名內作頭者

劉昌信而矣身外三名同時被捉於他營門云矣日前蚕頭放

火之舉已極驚駭曾未幾何又有此舉若不置法無以懲後右

漢等並與他營門所捉移送法司依律處斷 飭教之而不能

先期禁戢該掌大將李漢豐為先從重推考該道叅軍決棍汰

去禁松軍等各別嚴棍何如 傳曰允該曹之捉致以待者雖

是法外渠輩焉敢放火卿於明日習陣回示嚴棍絕島為奴異



於烽臺近處不及山腰以上則此非登聞之事而如是草記反損國法卿則從重推考此後法典所載禁標之外無論叢祠之燃燭雜人之炳火卿與該營分管不當禁者勿禁當禁者自斷嚴治無敢更為煩徼可也

乾隆五十八年癸丑八月三十日大臣備局堂上引見入侍時戶曹判書沈順之所啓日前因內需司手本海南縣監明禮官稅穀京貿事有自臣曹查出嚴懲之命矣該邑監邑捉來查實則本色之以錢上送自京貿納之狀綻露無餘官稅防納之弊法典自來至嚴而該邑之母難冒犯萬一駭然此若不嚴處則後弊難言當該守令該府拿問嚴處不飭之道臣亦

為送重推考既自京賀納則般價非所可論般價條及元稅穀  
不足數徵捧上送之意一體嚴飭何如 上曰依為之粒辛  
苦出自小民雖以本色上納猶慮其有弊 御極之初嚴禁各  
官納許多點退之奸弊至有革罷官納之應式一依貢物例使  
之自戶曹分給實惠未究奸弊如許甚至京賀二字至煩上  
聞革罷官納之本意果安在哉到今惠澤可謂彼此不及寧不  
駭然無論奸弊之始自何年朝廷當先現發者處分當該守令  
不可拿處而止為先徒配仍施禁錮之典年數草記 稟旨此  
後以京賀一款現發則自納邑地方官漕運邑都差使負皆用  
此律事載之該房故事禁府刑曹受教以京賀一款昨冬次對

有面飭於捕將則尚今捉納一漢論罪守令之舉如許捕將  
焉用哉為先緘辭從重推考令該曹發緘取招以聞卿曹及  
廟堂知悉以此舉條行會該道俾各懲畏可也

乾隆五十八年癸丑十二月十八日大臣備局堂上引見八  
侍時上曰婢夫之於妻上典名分何如特以殺有償命為施  
惡蔑紀之端而為其妻上典者未免彌縫為事以至欲治不治  
兩班如此中人何論中人如此市井何論如此不已則將使等  
威日紊誠非細慮每欲一番定式而未果矣今以刑曹稟決之  
殺獄觀之所謂婢夫所為誅之猶輕豈可議到於成獄乎若杜  
凌犯之漸宜先潤色於金石之典然後有奴婢之上典雖甚殘



微無勢力不得以行跡令而婢夫之惡習可以除矣有國所重  
莫大於風教夫為妻綱上典為奴婢之綱淫女之鴉奔也除非  
併殺奸夫女於奸所則例皆成獄償命而先朝特軫風教之  
日渝除非挽裳對飯而現投於本夫之類皆許惟輕之典妻上  
典之於婢之夫不敢下手下手而邂逅死則必償命此何異於  
奴婢之犯上典乎其視恃漢之與淫女一番挽裳一番對飯其  
輕重深淺尤有間焉然則妻上典之治罪犯分之婢夫而婢夫  
致斃者決不可勿問事實一例償命大臣及曾經刑官諸臣各  
陳所見可也領議政洪曰殺獄體重固當審慎則以臣昏耗  
之神識顧何敢剖析仰對而近來名分之紊亂誠一痼疾至於

婢夫之凌辱妻上典不但瘦殘士夫家比、有之間巷賤流尤  
為特甚若或有意外殺死之獄不問是非一例訊推無所區別  
則其為虧傷紀綱所關非細為法官者當觀用意與邂逅如其  
用意則固不可枉法濶狹而若係邂逅則初不直斷以殺戮別  
其意見仰請 稟裁後決處恐合於嚴法律扶風教之一端矣  
行司直鄭民始曰婢夫之居接廨底視同奴僕者若有凌犯之  
事則未及告官略加懲治不是異事而因此邂逅者亦與凡民  
同律果為太重以此之故雖士夫之家於婢媼之婢夫不敢誰  
何至於閭巷之人殆不能支堪傷風敗俗莫甚於此若其罪不  
至死而用意戕害者固當為如律而其他笞杖之屬若許以泰

量自斷以假其威制之權而或致邂逅從以濶狹則彼亦心知  
畏而自戢其有補於風化誠不少矣行司直李文源曰殺獄雖  
重所謂婢夫既有如奴之名固不敢橫恣而近來風習漸壞勿  
論京鄉士族之疲殘者閭巷之無勢者為其使婢子待婢夫無  
異已僕不障內外撫馴無嚴不異事一有呵責不有令義肆  
發惡言為其主者至或乘憤手毆邂逅致斃者則輒以償命告  
官以是之故箠責非所可論而不敢加一言反以出給其婢以  
過言順辭誘以出送此乃大闕風化蓋雖在已僕不告官擅殺  
自有其律如或用意戕殺婢夫則固當叅考情法而不然而邂逅  
致斃以償命告官者叅量輕重合有稱停然後頑惡婢夫之



徒庶有懲礪之事疲殘無勢之輩似有御婢僕之道矣戶曹判  
書沈頤之曰各道徒流案凌辱妻上典者十居其半因此而有  
傷風敗俗之歎 朝家深軫此弊年前有 特教申飭之故法  
官亦不饒貸而此輩終不知戢冒犯者多今若定以笞杖幾何  
自斷之法而或有邂逅致命之事杖數之內則勿問故為戕害  
情理絕悖者初樵浚具由草記備陳獄情以待處分始為成案  
法律無所撓屈風教必有扶植矣右叅贊洪秀輔曰以婢夫凌  
辱妻上典其犯今傷風比諸尋常行路之辱罵士夫尤為痛惡  
秉憤懲治容或無恠若以不辜致斃直為償命則雖似過重然  
殺人之律三尺至嚴未流之弊不可不念戶判所奏定笞杖之

數而先立階限酌情法之間而仰請處分云者誠為得當矣其  
曹判書徐有防曰婢夫之凌辱妻上典無論士大夫家閭巷誠為  
莫大之痼弊間或有殺死之獄而其用意故犯者固無奈何而  
如其因其凌辱略加懲治不幸有邂逅致命之舉則均用與凡  
人同律之律則大為不可恣使之酌量自斫戶判之具由草記  
云者誠有所據惟在臆詢而處之矣吏曹判書金思擧曰近來  
婢夫之凌犯妻上典者種々有之事關風化宜有一定之規今  
此戶判所奏雖有獄情之邂逅或絕悖者具由草記以待處分  
使法律無所撓屈風教有扶植云者恐似得宜矣禮曹判書閔  
鍾顯曰法律雖重而事係風化則法亦有不可不濶狹處臣意

則依戶判所奏凡有似此情犯為獄官者酌量事理以為稟  
裁之地恐奸矣開城府留守李秉鼎曰婢夫之凌辱妻上典無  
論京鄉誠為痼弊士夫孤寡之家閭巷寒微之人尤受其害大  
關風化而但區區愚淺之見三尺自來至嚴祛弊生弊亦不無  
慮况閭巷之人婢夫之中亦多儕類凡有獄案欽恤濶狹惟在  
上天之造化恐不必作為定制矣刑曹判書徐鼎修曰臣亦別  
無他見而所謂婢夫亦有許多般或有多年使役無異奴僕者  
或有一時依接便同路人者今若著為一定之規則似不無掣  
碍之端此後如有似此獄事而情犯之初無可疑者自當勿論  
若其不可不成獄者則議識之臣據實陳聞以為稟裁濶狹



之地似好矣 上曰詢問之意宣徒然哉蓋欲嚴等威正名分

兼寓生道殺人之意也今雖濶狹豈必以此為弊若以假與治  
罪之權為枉殺之慮云爾則此有大不然奴婢之於上典既許  
殺活其不告官之律不過決杖而未聞以此有枉殺之為弊至  
於開城留守所奏中間巷人婢夫亦多儕類云々左不必為然  
向所謂婢夫云者特指率接廊下如奴使喚者之謂也誠如重  
臣之說則士夫之家畜人家婢僕而見殺於本主者亦當不為  
償命乎此則重臣之慮誠過矣今當 詢問之舉積有酌量而

為者自令人家牽接之婢夫向妻上典肆設惡言情理絕悖而  
妻上典治罪邂逅致死者部官報于該曹依挽裳對飯律勿為

成獄情非絕悖治罪邂逅則獄具後草記 東決不當發告而  
發告者定反坐其他言語之不恭行事之犯分者不分輕重隨  
現告官嚴刑定配人家婢夫輩知有妻上典之有處置之權事  
分付京外可也

乾隆五十九年甲寅正月 日 朝家刑政自有定制校罪則  
毋過百度刑訊則定以三十無寓拷訊幾日之限作為閑和不  
易之典而近來有司之地舉多不遵就以今番校治院吏事言  
之更為嚴杖之 命蓋不知初施百度也本曹初不來 稟一  
日之內前後杖治多至百五十之數此豈制法之本意也哉堂  
郎類數遞易雖或不憚法例至於吏胥則久習曹務宜知法意

之如何而不能據例提醒致有此法外之事今姑叅酌雖不嚴  
處此後則凡於科罪之際既施三十刑百度杖之後或有更治  
之特教必於既施幾度何以為之意更為草記或八稟待  
下教舉行事依 這教永為定式載之謄錄揭壁遵行事

乾隆五十九年甲寅四月初四日都承旨入 侍時 傳曰兼  
教授一窠屬之禁漏官以為通仕路階梯蓋以禁漏官之所食  
至殘所役則至鉅所關至重特念而然也今聞名雖特屬未必  
以勤仕中為之者是豈制法之意乎此後禁漏兼教授以禁漏  
入直勤仕計日居首者依畱西署兼教授例啓聞付祿以此下  
教揭板渠廳若或違越則當該干囑人令該曹照律嚴治堂上



當施違令之律以此定式

乾隆五十八年癸丑五月十三日政院回口傳 下教分付內  
令聞法司開坐而不用刑杖云然則法司開坐不用刑杖安有  
開坐之本意乎勿拘開坐用刑而致 齊三日則勿用刑杖事  
下教

字恤典則

荒歲行乞之兒以十歲為限道傍遺棄之兒以三歲為限如有  
自願收養者自賑廳成給立案而願為子女者願為奴婢者各  
從所願施行為白乎矣不計良人公私賤並許收養者執持為  
白遣未六十日有始無終者勿施其父母族屬中三朔前推尋

者倍償收養穀物許令還推救活後厭避者以叛主論威勢  
奪者以枉法論

乾隆五十九年甲寅八月十一日禁府時囚沈晉賢原情 啓  
目 傳曰堤堰司之弊可勝言哉歲首朝叅大臣例飭欲補於  
卑節之灌溉而設其司而置其堂有其印踏其狀不過牟利輩  
射利之事觀於文簿之不為田公一款事面愈欠光明苟言汰  
冗宜先堤司令堤堂別定差下之式永為革罷歸其前有司下  
位仍作例魚之窠而杜奸循名責實刑期無刑雖謂之一舉兩  
得可也以此亦令廟堂知悉此後名雖堤司関文若無啓下折  
受之語該道勿給其土依受教論理狀聞事申明嚴飭諸道載

之禁府刑曹受教

乾隆六十年乙卯

月

日壯勇營甘結內

傳教內壯勇

衛之設置開散二十有地處中人中差定每年夏冬大政時各一人式遷轉守門將者槩以中人之罕有祿仕齋菟積薪莫有甚於近來乙仍于特念雨露不擇之意別設仕路該通之歧意謂有益而無害無妨而有效矣定式以後所謂應薦者力不瘳弓體不勝衣殘軟弱劣不堪不合所用異於所求為弊反於本意念此除良所謂地處云者十之八九非醫則譯而棄其所業投入此句消費家資誤入多端曾以此意嚴飭各該俾勿許入然猶弊日益甚無補於軍容徒長其無識沒覺輩怙恃憑藉之習而



渠輩直所與服役與禁旅毫無異同是去乙渠輩則隱然賣勢  
若知大內凡事者然渠雖不言人皆苦之大抵外內之不蔽言  
語之宣泄未必不由於此輩之出入禁中且以近日外間說弊之  
說言之士夫家之門生故交等托以入屬本營無不絕跡設或  
潛蹤往來設廳禁之如察竊發由前由後此輩全其類勿預於  
設廳開散之列然後弊源可清本業可專到今惟有矯改之為  
十分便當壯勇衛閑散二十窠輩罷分屬於行伍窠及取才窠  
此輩并與前仕案拔之為有矣時仕之類陟待遷轉勿補而遷  
轉之後萬一更有補以本營前御蹤跡殊常之弊卿其各別照  
察隨現重治快洗此輩過甚之奸弊亦教是置傳教內辭意

奉審舉行為事。至當初壯勇衛開散竄之設置。盡出於為渠輩  
拔身沾仕之。聖意教是遣又於入屬之後。或慮其憑藉禁中  
衛士。姑勢間巷前後飭禁。不啻中嚴。而渠輩乃敢自處以出入  
帳殿之人。人莫敢誰何。點者隱語而恐。啗瘕者顯言而誇耀。於  
是乎外方不知裏面之人。見欺見瞞。為其簒弄漸。訛謔而不  
知。至於何境。究厥所為。寧不為。駭痛今此革罷之舉。則嚴宮  
禁社後賢之一端奉此。傳教載之。各其司贍錄。俾又曉諭各  
其醜首。任為乎矣。如是閱飭之後。自本營遷轉之類。敢補本營  
前卹。秘其蹤跡。是如可有所及。聞於本營。則當若段。隨現捉來  
各別嚴梏。移送法司。以為照律定配之地。不能檢飭之首任段。

置難免重繩以此一体嚴飭後形止報來宜當向事

乾隆五十七年二月 日京畿利川鄉戢罪人李義亨發配於

江原道平昌郡到配狀 判付內民習可痛鄉戢法禁何如則

為敢以此事登聞鄉其除尋常嚴刑三次絕島空配仍令該曹

遍飭各道更以鄉戢二字登聞道臣守令難免重勘毋論罪之

輕重隨現一依 先朝受教法令遵行毋或一毫疏忽事分付

先朝受教內諸道公然惹鬧搆捏呈訴者爭因鄉住校院肆

然呈狀者彼此為訴互相是者勿論奉事由直嚴刑三次後永

除鄉案儒籍終身充軍海島

乾隆六十年乙卯 五月初六日 傳曰尋常滯獄在所提飭



况抱冤婦女之駕側鳴錚者乎。月之事尚不捧供。豈有如許  
訟曹乎。其間衆所共知情勢外無端不為捧供之判堂。查出捧  
現告緘辭為先。從重推考。憲府諸臺即為牌招發緘以示重民。  
命嚴缺體之義。此後擊錚若值判堂有故之時。雖無特教之當。  
日捧供曹即來言次堂例不得舉行。何以為之。因意於該房以為啓  
聞。褒道之地事。定衣禁府照此事分付俾載受教。騰錄。

乾隆五十三年戊申

月

日

傳曰。頃日畿伯登筵始知之。

以內侍決訟事。再昨午受教京外掌獄之官。眩於舉行不可  
無一番分晰。知委此後京居內侍之以內侍名呈牒者。須以轉  
啓之意。有因侍府措辭粘尾公文。然後聽理。其外如名代呈者。

不必轉啓此則直呈法司決處事分付刑漢城府京司雖如是申明宣式外方亦當指一知委無若畿邑之疑眩中官之下卿在道者原屋鄉者凡有呈狀之事以奴名或親屬代呈無敢接面此意令廟堂措辭分付一以除眩於舉行之弊一以宣訟下之限一以示嚴内外之意

乾隆六十年乙卯八月日司鹽院官貢以郝提調意啓云傳曰分院之事此亦民弊既始之不可草率正更問議伯其弊蓋知其不知所至青自歸無用此後雖則釐更有入用於公為貽弊甲燭既禁面青自歸無用此後雖則釐更有入用於公私用燭造則當該分院官拿致王府決杖於鍾街施以流配院

屬亦令道伯嚴刑定配而若或不禁致有現發公事堂上當該  
道臣難免重勘至於白土之弊三道中嶺南關東曾聞為弊多  
端令該院部提調舉從長釐正後草記外此院屬誅求民邑侵  
漁商旅亦為嚴禁又或犯科令地方官報于巡營狀聞匿不報  
使地方官施以制書有違之律民邑之弊雖除院屬亦民也每  
年兩等沙器進上為渠輩難支之端自今年十月合等部封事  
分付厨院此傳教一体揭板

乾隆五十九年正月初九日忠清道放未放 啓本 判付內  
以徒年請仍之海義李仁千等四名既非關係重律則以徒年  
請仍殊非遇赦得放之法意如欲不放以勿限年更定律名可



也姑為仍配律名改錄此後諸道依此舉行事分付一以信教  
令一以杜僥倖為良如教

乾隆五十八年十一月初一日 傳曰昨已下教今聞該堂所

奏閩西教未放咨聞中金潤九金益河不過申飭特放梁墨邏

今聞該堂所奏即在本府時審理者一府之人有等壯之舉云

事係減律故有此稟如此其時全釋猶可也後何減等一体特

放金進行今聞事同館主人已放云不可奏也亦為以放海西

放未放只聞稟未及下教今聞所奏張鴻儀子以總角輩糧來

京呈訴云而聞其事、勢固然雖然此非比牛角以此致疑於

堂淡雖過既見贓物其子之道宜乎忝酌非特此也值此隆冬

近十日程、道以編髮裹足登道論寃京司方以無睡之中只  
憶頃年李慶龍事屬耳聞此其涉異也持放張宗英令該廳特  
給回糧以示予嘉其心之意因此所奏凡於私掘者雖疏決皆  
未放纔聞放未放此人見放故意謂若何而方當大儒思經繹  
充耳之意不諭今者該堂所奏深得司寇之體法若低仰人何  
措手足雖置仍者勿論年數一并特放以此今付諸道此後依  
前置仍而若過十年者以放事奉承 傳施行

嘉慶二年四月十六日大臣備局堂上引見入侍時 刑曹判  
書李得臣所 啓增修無寃錄今已刊行於八道矣本當律學  
科及取才時當以此考講而一經 選稟後可以舉行故敢此

仰達矣 上曰依為之

嘉慶元年丙辰二月十一日禁府罪人趙祥達珍島郡定配所  
草記還為出給後口傳 下教內珍島即充、甚、邑勿定配  
所事前有賜 教而今何以定於此道乎此外 特教外珍島  
則勿定配所事禁府刑曹一體知委事 下教

嘉慶元年二月十五日改院 啓云、

傳曰按隸俾不得接

足於葉院近處無敢以纖毫之物微索即

御極以後一副當

觀模則近頗解怙至八於日前摘奸莫曰微物所犯甚大豈可

例杖即故令亞堂箇、考察嚴杖照律定配大抵內醫典引儀

同是中庶之職而御醫則所重自別若有

例皆囚之王府因



亦不得請刑用。侍逆制宣傳例觀此草記以次杖八十為辭然則日前縣疏本意何相反也。法不可自下彼此而低昂卿等禁推內局亦有。御醫內醫之層分則獨於引儀為可不然此後無引儀以上用內醫例等因於王府假引儀則以難故例自本曹舉行沈憲永下教之下圖囑謀免之罪亞堂朝房開坐限宜招蔽杖捧遲晚草記可也

嘉慶四年十一月 日推考房承旨入 侍時行副護軍洪義

浩持審理錄校正本洗冤錄謄本同為八 侍時行副護軍洪

義浩所 啓臣兄臣仁浩曾於審理冊子修正時以有關於刑

獄慎恤之事 庭奏諸条至蒙 允可而未及 啓下矣今伏

承審理錄出修之命而因此言端以臣兄之昔所陳諸條更

此仰達矣檢驗時先捧拍後開檢自是甲辰事目而詞證衆多

轉告不已則捧拍或有延過二三日之弊若值暑月屍體變動

檢傷無憑今後則按節氣寒暑量看證多少不必拘於事目一

違捧拍一遍開檢仍即具由 啓聞似合事宜以此知委京外

何如 上曰依為之義浩曰丁酉事目中已埋者勿掘之 教

蓋指白骨之檢久遠之掘也至於和埋匿埋之日月雖或稍久

事情當為檢驗者亦未嘗一切勿許掘檢又若常陳藁瘞未可

謂永埋之類皆當一遍 啓聞一遍開檢而通編中撮錄太簡

京外舉行易致疑眩亦宜 稟告詳錄碑有一宜之式矣 上

曰更與曾經判堂人相議仍又執議大臣指一宣式可也義浩  
曰辜限之法元宋以前手足傷人例限十日至皇朝始用二  
十日之限蓋建死處不得過十日則十日之限法意則然而人  
有強弱之不同打有猛獸之差殊或有拖至二十日而始死者  
則皇朝之斷以二十日蓋出重人命之意也至於加辜限之  
法則萬曆十三年刑官舒化纂建條例始有因本傷致死加用  
辜限之例矣然而因本傷致死最難執定一或差誤死生係焉  
其不可輕易援用也明矣戊子年平安道錄 啓中未經覆  
啓遽用加限之法而致勤 嚴教伊後京外掌法之臣莫敢引  
用曾前洋人鄭漢龍以環刀擊人膝骨死於辜限之外環刀擊



人其有殺心明白膝骨半落其因傷致死亦無疑故秋曹 浩  
稟請用加限至有問議大臣後始為 允許矣大抵死於限外  
者率多調治失宜針灸平方之致則其傷雖曰因人其死抑非  
由已乎自今以後除非金刃傷口咬傷等死情明白者外勿用  
加限似合於慎獄之意矣 上曰依為之加限之法不可容易  
始之雖金刃傷口咬傷除非別般稟旨收議歸下之前無敢輕  
先成獄之意嚴飭京外可也義浩曰過失殺收贖 大明律則  
四百二十四六典則例徵四十兩而梁大善獄判付中有  
過失殺收贖四百餘兩之 教似是四十餘緡之緡字承書誤  
錯之教也所當改書緡字而 判付文字事体至重故敢此仰

達矣。上曰：「依為之緣，是十而之謂而。近來吏文之通用於一  
而者，其實則非全四十餘而之十字，傳贖之際，錯書百字，而然  
為厘正可。」義浩曰：「京外檢案中，實因論辭，而下中理，以致  
折獄之疑，眩此而不改正，因循刊行，則不無水磨之弊，其已。經  
屬分著載。」判付者仍舊不改，以示將來者之警，未及終，露者  
逐一重改，俾絕齟齬之患，恐合事宜矣。上曰：「依為之幾十年  
後書，今成帙，須與該郎及解事律官更為詳加校正，以為近  
依宣奪頒行，遵守之地可也。」

嘉慶四年十二月初十日 親臨春堂，臚試射八 侍時司諫

升為壽所 啓向來副護軍洪義浩所 啓諸降中有按節



寒暑量看證多少不必拘於事目先招後檢即是甲辰事目證  
今日按節寒暑然則暑月先檢寒節先招之謂而看證多不未  
招之前非可預料者至於不拘事目云者意在纖悉語欠周慎  
雖無可拘之勾語種違式之弊有西北諸檢狀之不審焉有  
一穀難穡情者教用於不當用之地末流之弊有不可勝言蓋  
暑月行檢啓刻為急則直請甲辰事目中懸註與重改未或不  
可既存事目又曰不拘下語終涉容易濶狹又非定制請下詢  
大臣更加煉務歸至當也為一定不易之法意上曰依啓  
命下矣依下教巡遣即官問于大臣則領府事金在外  
判付事者必先行檢本非獲已奸偽亦自多端鍾已忤狀及





